

全上古三代秦漢三國六朝文

全北齊文卷四

烏程嚴可均校輯

魏收

收字伯起小字佛助鉅鹿下曲陽人魏驃騎大將軍子建子孝
明時除太學博士遷司徒記室參軍永安中除北主客郎中節
閔卽位遷散騎侍郎兼中書侍郎孝武卽位除廣平王贊開府
從事中郎兼中書舍人孝靜卽位爲神武中外府主簿轉府屬
兼散騎常侍武定中除正常侍兼著作郎轉祕書監除定州大
中正齊受禪除中書令封富平縣子除魏尹又除梁州刺史進
太子少傅兼太子詹事廢帝卽位除侍中遷太常卿轉中書監
皇建初除右光祿大夫儀同又除兼太子少傅解侍中太常初
加開府河清中兼右僕射天統初除左光祿大夫齊州刺史進
尚書右僕射特進武平三年卒贈司空尚書左僕射謚曰文貞

有後魏書一百三十卷集七十卷

南狩賦

聘遊賦

皇居新殿臺賦

懷離賦

庭竹賦

端見北齊書
魏收傳亡

爲魏孝靜帝伐元神和等詔

門下向背有禍福之機、誅賞爲威勸之本、軌物成務、咸必由之。俟
景擢自凡猥、名行無聞、僥倖時來、謬見收試、狡猾反覆、唯利是從。
往事爾朱、偏受榮遇、一朝去就、罔顧昔恩、趨趣輕動、志在姦詐、朝
廷弃瑕藏穢、仍蒙令引、庶其鴟音可革、取其行間之用、位踰其量、
過延寵祿、藉我風雲、遂成鱗羽、入列鼎臣、出裁節將、勳無可紀、才
不足微、而淺器遠盈、知小謀大、謂己功名、難居物下、曾不知狐假

虎威虹蕙霧積苞藏禍心潛圖不軌因總戎之際乘專任之機擁
逼兵眾構釁南服此乃懦夫扼腕之日義士切齒之秋凡在人倫
孰不憤慨而前楊州刺史元神和何悅張慶壽王黑醜宮延和王
貴顯侯仙劉崇信張業等九人竝召賤蔑名汗朝簡了無犬馬之
職便有梟獍之心密相影響贊成姦逆隨託豺狼長茲蛇虺欣其
位署委質驅馳甘歎鉤餌效呂死力東西殘掠毒被村塢扇合蛾
蟻終此亂階叛恩背德莫此之甚雖蹈名義事非小人而申禁垂
法國有恆典其此九家竝可從憲擊戮之科理無攸捨自餘拘塾
詐誤之徒既懼死俛眉情非樂祿宜疏天網一原不問固使逆節
知洿薦之制傾側獲自安之所

文能詞林

爲孝靜帝下詔禪位

三才剖判百王代興治天靜地和神敬鬼庇民造物咸自靈符非
一人之大寶實有道之神器昔我宗祖應運奄一區宇歷聖重光

暨于九葉德之不嗣仍離奄圮盜名字首遍于九服擅制命者非止三公主殺朝危人神靡繫天下之大將非魏有賴齊獻武王奮揚靈武剋翦多難重懸日月更綴參辰廟㠯埽除國由再造鴻勳巨業無德而稱遠文襄承構世業逾廣邇安遠服海內晏如國命已康生生得性迄相國齊王緯文經武統茲大業盡微窮幾研深測化思隨冥運智與神行恩比春天威同夏日坦至心于萬物被大道于八方故百僚師師朝無粃政綱疏澤洽率土歸心外盡江淮風靡屈膝辟地懷人百城奔走闢闢慕義而請好瀚漠仰德而致誠伊所謂帝世應期實撫千載禎符雜運異物同途謳頌填委殊方一致代終之迹斯表人靈之契已合天道不遠我不獨知朕入纂鴻休將承世祀藉援立之厚延宗社之算靜言大運欣于避賢遠惟唐虞禪代之興近想魏晉揖讓之風其可昧興替之禮稽神祇之望今便遜于別宮歸帝位于齊國推聖與能眇符前軌王神祇之望今便遜于別宮歸帝位于齊國推聖與能眇符前軌王

皆宣布天下。已時施行。

北齊書文宣紀案高德政傳云德政自

至令撰禪讓詔并九錫建臺

及勅進文表魏收傳云齊將受禪揚情奏收置之別館令撰禪代詔策諸文

爲文宣帝出師詔

天保七年

朕厯數在躬。志清四海。蕞爾秦隴。久阻風化。混一之期。在今日。

必當訓旅誓眾。天動雲臨。朕已下木汾流成船晉地。便當躬先將

士。汎入玉璧。徑掩長安。梟彼凶首。朕與梁國。舊好敦睦。聞其奸計。

乃欲規謀。宜令上黨王渙。總勒熊羆。星流風捲。王者之言。明如日

月。宜宣內外。咸使聞知。

御覽五百九十九引三國典略齊王召撫收于前立爲書書成齊王覽之于凶首下

足尤言曰雖藏山沒水終不縱赦于是遣渙而使

爲武成帝邑三臺宮爲大興聖寺詔

河清二年八月

門下皇居帝邑。揆日瞻星。仍惟有常。凡席斯在。雖今古推移。文哲
代變。而成世作範。義貴適時。朕奄家四海。祚孚萬國。當陽負辰。深
存庇祐。濟下利物。無忘懷抱。昭仁訓俗。不遺造次。今臨嚮聽朝。咸

極崇廣宴息之所不足溫華每謂爲之者勞居之者逸至于離宮
別館有時遊幸耳目所及聊可忘懷而乃千門洞敞萬柱周架上
迫雲漢下臨雷雨巧極金銅麗殫珠璧眷然長想良非宿心三臺
竝列無穢自久天保之末經構甫興仍創棟宇規模宏博有司過
實匠人逞功墠庶勞止靡費難量旣非殿寢正所便爲虛衛之地
凝華生白經歷歲年不翦茅英事頗逼下卑其宮室有可庶幾顧
茲侈麗豈伊虛處自魏朝失政九域崩離人神無主實求明聖我
太祖獻武皇帝據茲乾紀執斯地綱懸持日月噓咤風雲紀忠貞
昌成務感靈徵而大造爰召克定之初躬圖道場之業神迹冥果
理燭幽明朕嗣膺寶祚永惟嘉祉仰祇先志尚竦玄門思展聿修
之重念歸喜捨之大肌膚匪恠國城何寶期濟率土至于圓極可
召三臺宮爲大興聖寺此處極土木之壯窮丹素之妍奇怪備于
刻削光華異于圖彩頤使靈心肸蠁神物辟會真鑑唯寂有感必

通化爲淳土廣延德懷心若晴玻璃輪常轉灑甘露于大千照慈

鑑于曠初

釋義五廣宏明集二十八上初學記二十三

冊命齊王九錫文

於戲敬聽朕命夫惟天爲大列星宿而垂象調地蓋厚疏川岳昌
阜物所昌匹時代序萬類駢羅庶品得性羣形不天然則皇王統
厯深視高居拱默垂衣寄成師相此則夏伯殷尹竭其股肱周成
漢昭無爲而治頃者天下多難國命如旒則我建國之業將墜于
地齊獻武王奮迅風雲大濟艱危爰翼朕躬國爲再造經營庶士
已至勤憂及文襄承構愈廣前業康邦夷難道格穹蒼王繼德應
期千齡一出惟幾惟深乃神乃聖大崇霸德實廣相猷雖冥功妙
質藐絕言象標聲示迹典禮宜宣今申後命其敬虛受王擇風初
舉建旗上地庶民立政時雨滂流下識廉恥仁加水陸移風易俗
自齊變魯此王之功也仍攝天臺總參戎律策出若神威行朔土

引弓竄跡、松塞無煙。此又王之功也。逮光統前緒、持衡匡合、華戎混一、風海調夷、日月光華、天地清晏、聲接響隨、無思不偃。此又王之功也。邈矣炎方、道違正朔、懷文耀武、授略申規、淮楚連城、灌然桑落、此又王之功也。關嶺衿帶、跨躡蕭條、腸胃之地、岳立鵬跡、偏師纔指、渙同冰散、此又王之功也。晉熙之所險、滹江雷迴、隔聲敎迷、方未改命、將勒旅、覆其巢穴、威略風騰、傾轟南海、此又王之功也。羣蠻跋扈、世絕南疆、搖蕩邊垂、亟爲塵梗、懷德畏威、向風請順、傾陬盡落、其至如雲、此又王之功也。胡人別種、延蔓山谷、酉渠萬旅、廣袤千里、憑險不恭、恣其桀黠、有樂滷夙、相攜叩款、粟帛之調、王府充積、此又王之功也。茫茫涉海、世敵諸華、風行鳥逝、倏來忽往、旣飲醇醪、附同膠漆、既喪委仞、奇獸銜尾、此又王之功也。秦川尚阻、作我仇讐、愛挹椒蘭、飛書請好、天動其衷、辭卑禮厚、區宇乂寧、遐邇卑至此、又王之功也。江陰告禍、民無適歸、肅宗子弟、尚相

投庇如鳥還山猶川赴海荆江十部俄而獻割乘此會也將混來
方此又王之功也天平地成率土咸安祐符顯見史不停筆既連
百木兼呈九尾素過秦雀蒼比周鳥此又王之功也搜揚管庫衣
冠獲序禮云樂云銷沈俱振輕儔徹賦矜獄寬刑大信外彰深仁
遠洽此又王之功也王有安日下之大勳加召表光明之盛德宣
贊洪猷召左右朕言昔旦奭外分毛畢入佐出內之任王宜總之
人謀鬼謀兩儀協契錫命之行義申公道召玉踐律蹈禮軌物蒼
生圓首安志率心歸道是召錫王大路戎路各一玄牡二駟王深
重民天唯本是務衣食之用榮辱所由是用錫王袞冕之服赤舄
副焉王深廣惠和易調風化神祇且格功德可象是用錫王軒轅
之樂六佾之舞王風聲振赫九域咸綏遠人率俾奔走委贊是用
錫王朱丘召居王求賢選眾草萊召盡陳力就列罔非其人是用
錫王納陛召登王英圖猛槩抑揚千品毅然之節肅是非違是用

錫王武賁之士三百人。王興亡所繫制極幽顯。紀行天討。罪人咸得是用錫玉鉞鉞各一。王膺揚豹變。寶扶下土。狼顧鳴張。罔不彈射。是用錫王形弓一形矢百。盧弓十。盧矢千。王孝悌之至。通于神明。率民興行。感達區宇。是用錫王秬鬯一卣。珪瓚副焉。往欽哉。其祇順往。典保弼皇家。用終爾休德。對揚我太祖之顯命。北齊書文宣紀

禪位冊

容爾相國齊王。夫氣分形化。物繫君長。皇王遞興。人非一姓。昔放勣馭世。沈璧屬子。重華握麻。持衡擁璇。所已英賢茂實。昭哲千古。豈盛衰有運。興廢在時。知命不得不授。畏天不可不受。是故漢劉告否。當途順民。曹麻不永。金行納禪。此皆重規翼矩。率由舊章者也。我祖宗光宅。混一萬寓。迄于正光之末。奸孽乘權。厥政多僻。九域離盤。永安邇窮。人靈殄瘁。羣逆滔天。割裂四海。國土臣民。行非魏有。齊獻武王。應期授手。鳳舉龍骧。舉廢極已。立天扶傾柱而鎖。

地剪滅黎毒。匡我墜庶。有大德于魏室。被博利于蒼生。及文襄繼
軌。誕光前業。內剿凶權。外擢侵叛。遐邇肅晏。功格上玄。王神祇協
德。舟染一世。體文昭武。追變窮微。自舉跡藩旗。頌歌總集。入統機
衡。風猷弘遠。及大承世業。扶國昌家。相德日躋。霸風愈邈。威靈斯
暢。則荒遠奔馳。聲略所播。而鄰敵順款。曷富有之資。運英特之氣。
顧瞬之間。無思不服。圖謀潛蘊。千祀彰明。嘉禎幽祕。一朝紛委。曷
表化德之期。用啟興邦之迹。蒼蒼在上。照臨不遠。朕曷虛昧。猶未
逡巡。靜言愧之。坐而待旦。且時來運往。媯舜不暇。曷當陽世。革命
改。伯禹不容于北面。況于寡薄。而可踟躕。是曷仰協穹昊。俯從百
姓。敬已帝位。式授于王。天祿永終。大命格矣。於戲。其祇承麻。數允
執其中。對揚天休。斯年千萬。豈不盛歟。

北齊書
文宣紀

太子監國冬會議

去天保初。皇太子監國。冬。會羣官于西林園都亭坐。從東面義取

于嚮中宮殿臺故也。二年于宮冬會坐乃東面。收竊呂爲疑。前者
遂有別議。議者同之。邢尚書曰。前定東面之議復申本懷。此乃國
之大禮。無容不盡所見。收呂爲太子東宮位在于震長子之義也。
案易八卦正位嚮中。皇太子今居北城。于宮殿爲東北。南面而坐
于義爲背也。前者立議據東宮爲本。又案東宮舊事。太子宴會多
呂西面爲禮。此又成證。非徒言也。不言太子常無東西二面之坐。
但用之有所至。如西園東面所不疑也。未知君臣車服有同異之
議。何爲而發。就如所云。但知禮有同者不可令異。不知禮有異者
不可令同。苟別君臣同異之禮。恐重紙累劄。書不盡也。

隋書禮儀志四通典

七十

上魏書十志啟

臣收等啟。昔子長命世偉才。孟堅冠時特秀。憲章前詣。裁勒墳史。
紀傳之間。申旨書志。緒言餘述。可得而聞。叔峻刪續。後劉紹統削

撰李波十志實範遷固袁嘉闢馬曹氏一代之籍了無具體典午
終世之筆罕云開洽假復事譖四夷盜聽闇有小道俗言要奇好
異攷之雅舊咸乖實錄白水嘉喪圮中原清然偏偽小書殆無可
取魏有天下跨蹠前載順未克讓善始令終陛下極聖窮神奉天
屈己顧眄百王指掌萬世深存有魏撫運之業永念神州人倫之
緒臣等肅奉明詔刊著魏籍編紀次傳備聞天旨竊謂志之爲用
網羅遺逸載紀不可附傳非宜理切必在甄明事重尤應標著搜
獵上下總括代終置之眾篇之後一統天人之迹褊心未識輒在此
是臣晚始撰錄彌歷炎涼采舊增新今乃斷筆時移世易理
不刻船登閣含毫論敘殊致河溝往時之切釋老當今之重甄文
前志可尋官氏魏代之急去彼取此敢率恩心謹成十志二十卷
請續于傳末并前例目合一百三十一卷臣等妨官秉筆迄無可
采塵黯旒冕墮深冰谷謹啟

辨書一
百五

魏收

與李德林書論齊書起元事

前者議文總諸事意小如混漫難可領解今便隨事條列幸爲兩懷細加推逐凡言或者皆是敵人之讒既聞人說因而探論耳隋書

李德林傳

重遺李德林書

惠示二事感佩殊深已魯公諸侯之事昨小爲疑息姑不書卽位舜禹亦不言卽位息姑雖攝尚得書元舜禹之攝稱元理也周公居攝乃云一年救亂俗不稱元自無大傳不得尋討一之與元其事何別更有所見幸請論之同上

爲侯景叛移梁朝文

夫化成萬物分界九道紀之㠭山河照之㠭日月方足圓首含氣呈形咸總之于聖人畢會之㠭朝市皇魏應銜申之祕圖納封金之寶命萬方爲宅四海爲家卜世靈長將踰八百天壤之間勃不

別焉、唯夫三江五湖、九鑽百臯、其地如掌、人島未分、瞻星昧環拱
之方、託水迷朝宗之義、墮蠅爲眾、長蛇稱長、石田無菽粟之用、眾
人非聲教所孚、是㠭年歷三僞、棄而不有、豈力不足、蓋所未徵、而
陸梁塗泥、時軼疆鄙、天討所遺、理存惡殺、自二紀及茲、中原多故、
未清區宇、文武兼勤、偃伯歸戰、有懷勞止、將令動柂、俱仰堯心、遂
冠蓋括途、象胥提告、惟誠蹶然、類識王道、授衣禮節、拜首歸仁、無
戚所㠭爲高、止戈故能稱大方、知夙沙交臂、不待兵車、有苗納款、
未勞征伐、而庸夫爲善、希能令終、狂人克念、更知徒語、聞利無匹
夫之信、好虐有助鬼之心、白頭爲賊、曾莫自揆、嘉文浮功、甘于苟
得、罔顧榆次之禍、詎識江浦之禽、矦景一豎微覩、民斯下矣、人倫
士操本自不渝、直㠭少從羈勒、頗習趨走、叨忝名器、事出爾朱、藏
情誦笑、唯利是視、義兵同舉、郡胡覆族、雖狐祭首丘、事非小人、而
忘恩背本、景爲先至、不義不信、自此可知、但丁公之歿、時有未可

也。大澤深山，龍蛇竝育，遂容其悔非，棄其瑕穢。任呂將率，授呂兵符。庶其被鞍銜鍊，盡力馳驟，指蹤投繅，驚免或擒，而弱才負重，折足是慮。置之不爭之地，虛出韓鄒之間，曾無戰伐之勤，可言摧陷之績。歲往年徂，率無可紀，而腹心羣小，信納逋亡，劫奪行道，侵掠民庶，流聲遠聞。王法有典，聽馬將出，朱筆且行，自貽伊戚。了不知盜憎主人，乃圖逆節，拔本塞源，自委賊虜，適脅居民，翻蕩城池，義手曲取千里，唯諾賤賊相依，忻同鱗水。寵曰大位，屬曰東方，外曰臣主，內深骨肉，安危契闊，約呂死生，拯其鼎鑊之命，全其蠶粉之福。時不暇浹，翻然易慮，還相掩擊，事劇仇讎，反覆剽獲，莫非此類。至于老母暮倚，少弟升廡，妻望行夫，子號出父，食毛之屬，可爲痛心哉。景忽之如草芥，棄之如塵垢，任其斲截之誅，安其烹斬之痛，放麑食子，有口可親，觀臧窮否，恥其竝主獸心人面，華裔同讐，歸家懼執法之刑，赴賊反噬臍之戮，首領無地，進退數窮，遂卑

邪說自託左右、苟有君子、義均逐雀而彼方上下樂禍好亂、叛竊
之豎、僥幸之人、圖浮芥之小利、忘丘山之大禍、乃崇飾土偶、被
玄黃、馳馬高蓋、載畿爲重、委呂專征、施其爪角、驅逼子姓、率我叛
亡、逼狀虐之侶、鞠苦役之眾、蟻攢蚋集、侵竊邊鄙、恤患分災、本不
要于遠僻、違眾悖禮、蓋神明之所誅、皇帝垂旒華土、則天而動、卷
覆三古、懷佩百王、掌握中道、崇基增構、殊塗同會、百慮一歸、中外
禔福、戎華俱底、持秋霜夏震之威、呂拔山超海之力、顧指則風雲
總至、迴眸而山岳削平、雖復旗鼓所臨、有征無戰、猶呂師出而服
辱在我世、所務者息民、所存者文德、豈復呂擒將威敵漂杵溺駿、
爲功于一時、示武于千載、且天生五材、有開前古、禍非我貽、其得
已乎、遂置壇命將、持柯畢禮、引營就道、分途競馳、批能舉輪之士、
翹關扛鼎之卒、被組橫矛、執殳挺劔、龍駒竚躍、驥子千羣、沸暭天
壤、蒸鬱雲霄、一朝指揮、倏忽千里、候騎羅絡、聊逞前驅、天兵之鼓

未鳴眾軍之旗，詎接而荆揚烏合。一朝崩解，塞州滿野，藏耳截鼻，
曰千萬計，不可勝數。宗親節將咸見擒束，委命軍吏，憂在鼙鼓。楚
兵吳甲，積若山丘。青鵠赤鳥，噎流斷岸。千金之貴，爲我資焉。痛辱
可哀，其利安在。覆師喪旅，禍本可尋。方之噬臍悔之靡及，皆俟景
叛戾，虛相陷誅。指成提挈之舉，終無掎角之勢。景棄本趨末，背國
違鄉，部下數千，屈逼羅網。離親懷土，一日三秋。拘綱立匏，朝不謀
夕，豈能搖足東上，遠赴彭城。天奪彼魄，信納虛詭。使蕭明貴孫而
縛于徐泗，景爲凶藪。逡巡而坐觀，託人七尺之身。居人成敗之地，
急病讓醫。固若此也。兩端自見，故態未除。今知東南滌蕩，睢澦清
復，梁之喪師，單輸不返。擊援之期，終當無日。勢窮路盡，憂在滅亡。
事畱變生，將謀及已。且彼軍殲殄，江淮屠酷。禍源黷迹，景變爲之。
上懼金陵，君長致請。設二字之責，下恐荆吳子弟。法疑父兄之冤，
愚小猜驚，將興異計。乘專任之機，藉方面之重，必當招結僉楚，扇

合無賴內自封植外絕防禦因見信而類起出不疑召滿發事比
疾雷理同激矢上或憑陵乘疾專擅縱橫下則鴟峙淮肥覬覦叛
換老疾姦回不虛然也而彼土區區厚加崇納置之襟帶之方處
曰藩籬之所費金帛于製火罄酒漿于漏卮非乘景虛聲委其變
用夫量材授任必原其始攷行責成當存其大景豺聲蜂目之首
狼心狐魅之徒義無父子棄同卽異捐親背德于我尚反目而去
在梁則何施可懷且我重傷心尾大不掉魚脫于淵義彰老氏而
假威凶險授柄姦回欲求肝膽之誠更啟危亡之兆固智者不爲
迷者遂去若抽薪止沸翦草除根壺首囊頭又手械足返國姦于
司敗歸侵地于玄武非直惡之在今天道人事實棄無禮苟達之
者其長世何若悔非知罪恭承德音且欲飛驛合符班師凱入悠
悠水鄉有救其死若乃執飾非之辨固遂過之失便當盡常勝之
戰極必取之攻飛江南渡深山將恐削壤卑名雖頓頸而不獲亡

宗滅廟。望喬木而可悲。昔田假英入于期壯士。窮而歸我。許呂入懷。景竦悖狗子。攬亂四國。庸可紓難。棄若孤鵠。何足戀戀于亂臣。勤勤于賊子也。王者之威心。厲如霜雪。信同寒暑。言猶麗天。移至深念變通。熟量可否。幸思大雅。無貽後悔。文苑英華六百五十八又
案藝文類聚五十八又
有魏收機梁文今據文苑
英華通鑑編入杜淵集中

枕中篇

收呂子姪少年申呂戒厲著枕中篇其詞曰

吾曾覽管子之書。其言曰。任之重者莫如身。途之畏者莫如口。期之遠者莫如年。呂重任行畏途至遠期。惟君子爲能及矣。追而味之。喟然長息。若夫岳立爲重。有潛載而不傾。山藏稱固亦趨負而弗停。呂梁獨浚能行歌而匪悞。焦原作險。或躋踵而不驚。九陔方集。故渺然而迅舉。五紀當定。想宵乎而上征。苟任重也有度。則任之而愈固。乘危也有術。蓋乘之而靡恤。彼其遠而能逝。果應之而

可必。豈神理之獨爾。亦人事其如一。嗚呼。處天壤之間。勞死生之地。攻之呂噲。欲壘之呂名。利染肉不期而共臻。珠玉無足而俱致。于是乎驕奢仍作。危亡旋至。然則上知大賢。唯幾唯哲。或出或處。不當其節。其舒也濟世成務。其卷也聲銷迹滅。玉帛子女。椒蘭律呂。詔諛無所先。稱肉度骨。膏肓挑舌。怨惡莫之前。勳名共山河。同久。志業與金石比堅。斯蓋厚棟不撓。遊刃砉然。逮于厥德不常。喪其金璞。馳驚人世。鼓動流俗。挾湯日而謂寒。包溪壑而未足。源不清而流濁。表不端而影曲。嗟乎。膠漆謂堅。寒暑甚促。反利而成害。化榮而就辱。欣戚更來。得喪仍續。至有身禦魑魅。魂沈狴獄。詎非足力不彊。迷在當局。孰可謂車戒前傾。人師先覺。聞諸君子雅道之士。遊邀經術。耽飲文史。筆有奇鋒。談有勝理。孝悌之至。神明通矣。審道而行。量路而止。自我及物。先人後己。情無繫于榮悴。心靡滯于懼喜。不養望于丘壑。不待價于城市。言行相顧。慎終猶始。有

一于斯鬱爲羽儀恪居展事知無不爲或左或右則髦士攸宜無
悔無吝故高而不危異乎勇進忘退苟得患失射千金之產邀萬
鍾之秩投烈風之門趨炎火之室載蹶而墜其胎寘或蹲乃喪其
貞吉可不畏歟可不戒歟門有倚禍事不可不密牆有伏寇言不
可或失宜諦其言宜端其行言之不善行之不正鬼執彊梁人囚
徑廷幽奪其魄明夭其命不服非法不行非道公鼎爲己信私玉
非身寶過綯爲紺踰藍作青持繩視直置水觀平時然後取未若
無欲知止知足庶免于辱是㠯爲必察其機舉必慎于微知幾慮
微斯亡則稀既察且慎福祿攸歸昔達瑗識四十九卦顏子幾三
月不違跬步無已至于千里覆一簣進及于萬仞故云行遠自測
登高自卑可大可久與世推移月滿如規後夜則虧槿榮于枝望
暮而萎夫奚益而非損孰有損而不害益不欲多利不欲大唯居
德者畏其甚體真者懼其大道遼則羣誦集任重而眾怨會其達

也則尼父棲遑其忠也而周公狼狽無以人之我狹在我不可而
擾無以人之我厚在我不可而咎如山之大無不有也如谷之虛
無不受也能剛能柔重可負也能信能順險可走也能知能恩期
可久也罔廟之人三緘其口漏卮在前敲器畱後俾諸來裔傳之

坐右

北齊書
魏收傳

庫狄干碑序

北史入
十三

祭荊州刺史陰道方文

維太昌元年十二月庚申朔越十二日辛未友人鉅鹿魏收謹啓
清酌少牢之饌敬祭于荊州刺史陰君之靈嗚呼哀哉惟君世載
不殞英聲在茲風流有屬自爾弘之孝爲行本忠實身基旣言斯
立磬禮窮詩器則清賞才惟英博於陽風雷蕭條丘壑顧言朝市
忘懷滌渢比翼沈冥均清寂寢往塵守宣及爾同僚墳篪合韻琴
瑟俱調丹墀踵武清道齊鑪跡淪閒曠心共津濛乃眷平生相忻

多越殷勤宴喜流連辭賦溢矣不追長違世務詠彼徒在音徹空
樹昔猶肢體與子衰裳今其往也生死殊方形骸何促天地何長
申茲沃醉贈呂哀傷嗚呼哀哉

繕寫三部一切經願文

三有分區四生稟性共遊火宅俱淪欲海所曰法王當洲渚之運
覺者應車乘之期導彼沈迷歸茲勝地自寶雲西映法河東瀉甘
露橫流隨風感授皇家統天尊道崇法拔羣品于有待驅眾生于
不二所曰刻檀作續搆石彫金遍于萬國塵沙數等復詔司存有
事緇素精誠踰于皮骨句偈盡于龍官金口所宣總勒繕寫各有
三部合若干卷用此功德心若虛空曰平等施無思不洽藉我願
力同登上果

廣宏明集
二十三

魏長賢

長賢收族叔孝靜時舉秀才除汝南王悅參軍入齊平陽王淹

辟法曹參軍轉著作佐郎河清中出爲上黨屯畠令武平中
疾去職周平齊屢辟不就卒年七十四

復親故書

日者惠書義高旨遠誨僕㠭自求諸已思不出位國之大事君與執政所圖又謂僕祿不足㠭代耕位不登于執戟千非其誠自貽悔咎勤勤懇懇誠見故人之心靜言再思無忘寤寐僕雖固陋亦嘗奉教於君子矣㠭士之立身其路不一故有負鼎俎㠭超世隱漁釣㠭待時操築傅巖之下取履圯橋之上者矣或有釋貨車㠭匡霸業委挽輶㠭定王基由斬祛㠭見禮因射鉤而受相者矣或有三黜不移屈身㠭直道九死不悔甘心于苦節者矣皆奮于泥滓自致青雲雖事有萬殊而理終一致權其大要歸乎忠孝而已矣夫孝則竭力所生忠則致身所事未有孝而遺其親忠而後其君者也僕自射策金馬記言麟閣寒暑迭運五稔于茲不能勒成

一家潤色鴻業，善述人事，功既闕如，顯親揚名，邈焉無異。每一念之，曷云其已！自頃王室板蕩，彝倫攸斁，大臣持祿而莫諫，小臣畏罪而不言，虛痛朝危，空哀主辱，匪躬之故，徒聞其語，有犯無隱，未見其人。此梅福所已獻書，朱雲所已請劖者也。抑又聞之，幾不怡縗，而憂宗周之亡，女不懷歸，而悲太子之少。況僕之先人，世傳儒業，訓僕已爲子之道，屬僕已事君之節。今僕之委質有年，世矣。安可自同于匹庶，取笑于兒女子哉？是已腸一夕而九迴，心終朝而百慮懼，當年之不立，恥沒世而無聞，慷慨懷古，自強不息，庶幾伯夷之風，已立懦夫之志。吾子又謂僕干進務人，不畏朋友，居下訕上，欲益反損，僕誠不敏，已貽吾子之羞，默然苟容，又非平生之意，故願得鋤彼草茅，逐茲鳥雀，去一惡樹，一善不違先旨，已沒九泉，求仁得仁，其誰敢怨？但言與不言，在我用與不用，在時。若國道方屯，時不我與，已忠獲罪，已信見疑，貝錦成章，青蠅變色，良由敗于

邪徑黃金鑠于眾口窮達運也其如命何吾子忠告之言敢不敬承嘉惠然則僕之所懷未可一二爲俗人道也投筆而已夫復何言北史五十六又見文苑英華六百八十七有漏節

賜進士出身一品銜廣東等處提刑按察使司按察使兼管驛傳事移貢同王毓藻校刊

全北齊文卷四終

全北齊文卷五

烏程嚴可均校輯

杜弼

弼字輔玄中山曲陽人小字輔國延昌中召軍功起家除廣武將軍恆州征虜府墨曹參軍孝昌初除太學博士授光州曲城令天平中除侍御史加前將軍太中大夫遷中軍將軍北豫州驃騎府司馬未之官監儀同竇泰軍泰敗左遷下灌鎮司馬元象初神武徵爲丞相府法曹參軍署記室轉大行臺郎中加領南將軍賜爵定陽縣男加通直散騎常侍中軍將軍帶并州驃騎府長史武定中遷衛尉卿文宣引爲兼長史加衛將軍轉中書令進爵定陽縣侯及受禪遷驃騎將軍衛尉卿別封長安縣伯坐事徙臨海鎮行海州事轉徐州刺史未之任除膠州刺史召忤旨被斬天統中追贈尚書右僕射揚州刺史武平初又贈

驃騎大將軍謚曰文肅

上老子道德經注表

臣聞乘風理弋，追逸羽于高雲；臨波命鉤，引沈鱗于大壑。苟得其道，爲工其事，在物旣爾；理亦固然。竊唯道德二經，闡明幽極，旨冥動寂，用周凡聖。論行也，清淨柔弱；語迹也，成功致治。實眾流之江海，乃羣裁之本根。臣少覽經書，偏所篤好。雖從役軍府，而不捨遊息。鑽味既久，斐亹如有所見。比之前注，微謂異于舊說。情發于中而形諸外，輕口管窺，遂成穿鑿。無取于遊刃，有慚于運斤。不足破秋毫之論，何足以解連環之結。本欲止于門內，貽厥童蒙。兼以近資愚鄙，私備忘闕。不悟姑射凝神，汾陽流照。蓋高之聽卑，邈言在際。春末奉旨，猥蒙垂談。令上所注老子，謹冒昧封呈，并序如別。北齊書社

關西是國家勍敵。若今受魏禪，恐其稱義兵，挾天子而東向。王將何呂待之？

北齊書高
德政傳

遺張晉惠書

明矣。淵儒碩學，身負大才，秉此公方，來居諫職，寒客如也。謗謗如也。一昨承在胡司徒第，當面折庭諍，雖問難鋒至，而應對響出宋城之帶始繁。魯門之柝裁警。終使羣后逡巡，庶寮掛默，雖不見用于一時，固已傳美于百代。聞風快然，敬裁此白。魏書張晉惠傳作中山莊晉惠傳字之誤

北史四十
六作杜弼

擬梁文

夫乾坤交泰，明聖興作，有冥運行之力，俱盡變化之途。抱識含靈，融然竝至，呈形賦命，混而同往。所曰玄功潛運，至德旁通，百姓日用而不知，萬國受賜而無迹。豈徒鑿其耳目，易其心慮，悟已風雲，一其文軌，使夫日月之照不私，雨露之施均洽，運諸仁壽之城，納

于福祿之林。自晉政多僻，金行淪蕩，中原作戰鬪之場，生民爲島
獸之餌，則我皇魏握玄帝之圖，納水靈之祉，駕雲車而自北策龍。
御昌圖南，政符上帝，援溺下土，怪物殛死，淫水不作，運神器于頤
盼，定寶命于踟躕，恢之昌武功振之昌文德，宇內反可封之俗，昌
首識堯舜之心，沙海荒忽之外，瀚漠羈靡之中，方志所不傳，荒經
所不綴，莫不繩谷釣山，依風託水，共仰中國之聖，同欣大道之行。
唯夫三吳百越，獨阻聲教，匪民之咎，責有由焉。自僞晉之後，剽蕭
作慝，僭擅一隅，號令自己，惟我祖宗馭宇，愛民重戰，未極謀臣之
盡，不窮節將之兵，聊遣行人，降昌尺一，圓臺已築，黃屋輒去，賜其
几杖，置之度外，肅衍輕險，有素士操葭聞脾，曉君親，自少而長，好
亂樂禍，惡直醜正，巧用其短，目少爲多，眩惑愚淺，大言昌驚俗驅
扇邪僻，口兵昌作威，曲體脣肩，搖脣鼓舌，俟當朝之顧指，邀在位
之餘論，遂汙辱冠帶，偷竊藩維，及賣卷昏狂，下不堪命，曾無北面

有犯之節。遽滅人倫在三之禮。憑妖假怪鬼語人言。稱兵指闕。傾朝鳩主。陵虐孤寡。蠻愚士民。天不悔禍。姦魄得志。內恣雕靡。外逞殘賊。驅羸國之兵。逼糊口之眾。南出五嶺。北防九江。屯戍不解。役無歸歲。死亡矢刃之下。夭折露霧之中。哭泣者無已。傷痍者不絕。託身人上。忽下如草。遂使頑嚚子弟。肆行姦虐。狡猾羣小。縱極會林。剝割蒼生。肌肉略盡。剗剔黔首。骨髓俱罄。猛虎未方其害。餓狼詎侔其禍。憮憮周餘。救死無地。至于矯情飾詐。事非一綈。毒蠭滿懷。妄效戒業。躁競盈餽。謬治清淨。至乃大興寺塔。廣繕臺堂。昭陽倒景。垂珠銜璧。崢嶸刻削。千門萬戶。鞭撻疲民。盡其筋骨。延壤連石。悲歌掩途。死而可祈。甘同仙化。智淺謀疏。曾不自揆。遏桐柏之流。翻爲己害。子亡齊之胤。忽爲戎首。書契迄茲。罕聞其事。至于廢捐冢嫡。崇樹愚子。朋黨路開。彼我側目。疾視扼腕。十室而九。翹走有待。良亦多人。二紀于茲。王家多故。始則車駕之警。終有驚墜之

哀神祇痛憤、寓縣崩震。于是故相國齊獻武高王感天壤之慘錯、激雲雷曰：慨然仗高義而率民奮大節。已成務爰有匡國定霸之圖、非直討賊雪恥之舉。于是睿略紛紜、靈武貫世。燭滌道弊、尊主康邦。皇上秉麻受圖、天臨日鏡。道隨玄運、德與神行。既而元首懷舞威之風、上宰薄兵車之會。遂解紮南冠、喻已好陸舟。車遵遡川、陸光華亭徼相望。欣然自泰、反肉還童。不待羊陸、雖嘉謀長算。爰自我始、罷戰息民。兩獲其泰、王者之信明如四時。豈或爲人君父、二三其德。書而不法、可不惜哉。疾景一分役夫、出自凡賤、身名淪蔽、無或可紀。直已趨馳便習、見愛爾朱。小人叨穢、遂忝名位。及中興之際、義旗四指。元惡不赦、實在羣胡。景荷人成拔、藉其股肱。主人有丹頸之期、所天陷族滅之數。雖不能蔽揖左右、已命酬恩。猶當慘顏後至、義形于色。而趨利改圖、速如覆手。投手麾下、甘爲僕隸。獻武王側、棄其瑕穢。緣其小誠得廁五命之末、預在一隊之後。

參跡驅馳庶其來效長鞭利鋒術旨制之既闢隴逋誅每事經略
自河南虛空之地非兵戰之衝薄存掎角聊示旗鼓豈資實效寄
自遊聲軍機催勒蓋惟景任總兵統旅別有司存而愚褊有積惰
慢遂其犯違軍紀仍自猜貳禍心潛構翻爲亂階負恩棄德罔恤
天討不義不昵厚而必顧委慈母如脫屣棄少弟如遺土羣子陸
陸妻姪成行慕妾兒之爽言蔑伯春之宛轉跳梁猖獗夫欲誰欺
比之梟獍異類同醜欲擬蛇鼠顧非其倫及遠託關右委命寇逆
寶炬定君臣之分黑獮結兄弟之親授旨名器之尊救其重圍之
死憑人擊援假人鼻息俄而忘恩背惠親尋干戈釁暴惡盈側首
無託自金陵遁逃之藪江南流禦之地甘辭卑體進熟圖身詭言
浮說抑可知矣叛豎救命豈將擇音僞朝大夫幸災忘義主耄于
上臣蔽于下逐雀去草曾不是圖竊寶叛邑據蘭比好人而無禮
其能國乎夫安危有大勢成敗有極兆不假離朱之目不藉子野

之聽聊陳刺心之說且吐伐謀之言今帝道休明皇猷允塞四民樂業百靈效祉雖上相云亡而伊陟繼事秉文經武虎視龍驤驅日下之後雄收一世之英銳擊刺猶雷電合戰如風雨控弦躍馬固激是求蠕蠕昔遭離亂輒分瓦裂匹馬孤征告困于我國家深敦鄰附愍其入懷盡憂人之禮極繼絕之義保衛出于故地資給唯其多少存其已亡之業成其莫大之基深仁厚德鑲其骨髓引領恩報義如手足吐谷渾深執忠孝膠漆不渝萬里仰德奏款屬路竝申呂婚好行禮如歸蠕蠕境斜界黃河望通幽夏飛雪千里曾冰洞積北風轉勁寶筋骨之時汎寒方猛正氊裘之利吐谷渾疾彼凶逆彊兵歲舉傾河及鄯塵通隴峽驅龍池之種藉常勝之氣二方俟隙企其格種加呂孤獨如願擁眾秦中治兵劫幘黑獮北備西擬內營心腹救首救尾疲于奔命豈服稱兵東指出師函谷且秋風揚塵國有恆防關河形勝之際山川襟帶之所猛將精

兵基峙岳立又竄河陰之北黑懶邙山之走沒無一旅僅卽身
歸就其不顧根本輕懷進趣斯則一勞永逸天贊我也言之旦旦
日月經天舉世所知義非徒語持此量之理有可見則侯景遊辭
莫非虛誕夫景繩樞席牖之子阡陌鄙俚之夫遭風塵之會逢馳
驚之日遂位此三吏邑啟千社揣身量分久當止足而乃周章去
就離跂不已夫豈徒爾事可摧傷度其眾叛親離守死不暇乃聞
將棄懸弧遠赴彭城老賊姦謀復將作矣固揚聲赴助計在圖讐
吞淵明之眾招厭虐之民舉長淮卽爲斷仍鳴張歲月南面假名
死而後已此蓋蟠鵠之禍我乘其弊且僞主昏悖不惟善鄰賊忍
之心老而彌篤納逋叛之詭誘蔑信義卽猖狂天喪其神人重其
怨將踐瓜圃之蹟且追兒族之轍今徵發犬羊侵軼徐部築壘擁
川覬覦小利此而可忍孰不可懷兵凶戰危出不得已謬奉朝規
肅茲九伐扛鼎拔樹之眾超乘投石之旅練甲爭途波聚霧合虎

班龍文之逸蘭池蒲梢之駕噓天陸野蹠影追風振旅南轍長驅
討跋非直三吳鼠面一麾魚駭乘此而往青蓋將歸且衍虜網蚩
蚩兵權在外恃險躁之風俗兼輕薄之子孫蕭倫凶狡之魁豈無
商臣之狠孺與失志之儻當召專諸之客外崩中潰今也其時幕
府師行召禮兵動召義弔民伐罪理有存焉其有知機審變翻然
畧起立功立事去危就安賞典未忘事必加等若軍威所至敢有
拒違凡兒已上咸從梟戮今三禮四義之將豹虎熊羆之士深銜
逋僞信納叛亡違上復諫實興伐役其不含怒作色如赴私讎若
肝涉血義不旋踵攻戰之日事若有神莽精麻亂匪旦伊夕召彼
師危卒望我軍鋒何異蛇蛇披甲螂蛆舉尾正恐旗鼓一接芝
蘿俱摧先事喻懷備知翰墨王侯無種禍福由人斯蓋丈夫肉食
之秋壯士封侯之會冬冰可折時不再來凡百君子勉求多福檄
之所到咸共申省知我國行師之意

文苑英華六百四十五
案此徵出魏書蕭衍傳

觀夫辰象麗天、山岳鎮地方。呂類聚物、呂羣分建之。呂邦國樹之。

曰君長、曰月子是莫二宇。作帝王所呂總一、雖五運相推、百

王革命、此道之行、孰之能改？

新文類聚
道所行孰云能易

而皇家承統、通鑑作垂統

光配彼天、義治幽明化周、勳極崇文德。曰來遠修禮讓、呂止訟舞

干戚于兩階、執玉帛于萬國。玄功潛運、至德旁通。百姓日用而不

知、兆民受賜而無迹。唯彼吳越、獨阻聲教、匪民之咎責有由焉。而

元首懷止戈之心、上宰薄兵車之會、遂解繫南冠、喻呂好睦舟車

遵流川陸同光、亭微息奔走之勞、屯戍無逼卒之變。雖嘉謨長算、

爰自我始、而罷兵息民、彼獲其利矣。景豎子本無事業、新文類聚

乃枉道于人間、遂乾沒于世上、嗚吠于爾朱之門、鎮守于普泰之

日、曾無爲主之識、詎有挈瓶之智。既而投命義旗、歸身幕府、殊異

雍齒、有類丁公。時逢寬政、得免大戮、棄其瑕滓、收其力用、預在行

伍、參跡驅馳、及秦隴逋誅、每事經略、呂河南是空虛之地、漢陽非

兵戰之衝薄存掎角聊示旗鼓豈資實效寄呂遊聲軍機催勒蓋
維景任總兵統旅則有司存而恩福有積驕憒遂甚屢犯軍紀自
生疑貳通鑑作宿疑禍心潛構謀成亂階負恩棄德罔恤天討不義不
昵厚而必顛委慈母侶脫屣棄寵弟如遺芥龍鍾稚子痛苦成行
變彼諸姬破亡爲伍滅伯春之婉轉慕姜兒之爽言不與狼虎同
仁而共豺羆等惡及遠託關隴依憑姦異逆主定君臣之分賊臣
結兄弟之親解其倒懸仰人鼻息一日通鑑作豐日無恩終成難養俄
而易慮躬擐通鑑作親擐干戈數暴惡盈側首無託呂金陵遁逃之勢
江南流禦故文類聚作流寓離通鑑作流寓之地甘辭卑體進熟圖身讒言通鑑作
讒言浮說抑可知矣叛豎投命豈將擇音而僞朝大小幸災忘義主荒
于上臣蔽于下逐雀去草曾不是圖竊賣叛邑椒蘭比好人而無
禮其能國乎亦旣失信不亡何待今帝道休明皇猷允塞四民樂
業百靈效祉故丞相材標國模道潤時雨義冠伊霍勳蓋桓文大

君立德世功世祿、作民舟檻爲國棟梁、內外齊心、上下同德、蛟蟠虎嘯、風生雲起、麾日則車轂轉舍、排山則龍門洞開、吞雲夢于曾中、運天下于掌內、雖有賊臣去國、亡卒出境、何異一毛之落牛體、雙鳬之飛海曲。荅文類聚 伯海演彼旣連結姦惡、斷絕鄰好、追兵通鑑作殺兵、保境縱盜侵國、蓋物無定方、事無常勢、通鑑作定勢或乘利而受害、或因得而更失、是呂吳侵齊境、遂致通鑑作迷得句踐之師、趙納韓地、終有長平之役、矧乃鞭撻疲民、侵軼徐部、築壘擁川、舍信通鑑作捨舟、邀利、此而可忍、孰不可懷、是已援枹秉麾之將、授石拔距之士、深銜爲主、信納亡叛、含怒作色、如赴私讐、意存涉血、義不旋踵、攻戰之利、實若有神。通鑑作彼字 連營聚眾、依山傍水、舉螳螂之斧、被蛻蟬之甲、當窮轍、冒待輪、坐積薪而候燎、及其鋒刃暫接、埃塵且接、便已亡戟棄戈、土崩瓦解、貞陽呂從子之親、爲荅文類聚從爲作敵爲伯當戎首之伍、非獨力屈道窮、亦將無路還覆、兼亦荅文類聚 伯兼復挾子垂翅、俱在籠。

樊將士呂昧禍之心爲助亂之事皆揔指舟中披甲通鑑作符甲通鑑作鼓下

同宗異姓縲繼相望曲直既殊彊弱不等父出子孤自取其敗違上懷諫何呂辭責雖復貪利苟得背同卽異獲一人而失一國見黃雀而忘深井通鑑作深井宋史食鉤吻目療飢飲鳩毒目救渴智者所不爲仁者所不向誠旣往之難逮猶將來之可追景藝文類聚通鑑作景

鄙俚之夫遭風雲之會位登通鑑作班三事邑啟萬家揣身量分久當

止足而周章向背離按不已夫豈徒然意亦可見彼乃示通鑑作接之

呂利器誨之呂慢藏使其勢得容茲令其時堪乘便既通鑑作今

南風不競天亡有微老賊奸謀將復作矣然則摧堅彊者難爲功

拉通鑑枯朽者易爲力計其藝文類聚其字雖非孫吳猛將燕趙精兵

猶是久涉行陳曾習軍旅豈同輕剽之師不比危脆之眾距此則

作氣不足攻彼則爲勢有餘恐尾大于身踵轂于股偃彊不掉狼戾難馴呼之則反速而釁小不微則叛遲而禍大會應遙望延厭

不肯爲臣。自據淮南，亦欲稱帝。但恐社稷國亡，後禍延林木。城門失火，殃及池魚。橫使江淮士子，荆揚人物，死亡矢石之下，夭折露霧之中。彼梁主通鑑作者，有操行無聞，輕險苟素，工用其短，目少爲多。反覆山淵，顛倒冠屨，射爵論功，盜舟稱力。年既老矣，楚又及之。政散民流，禮崩樂壞，改換朝章，變易官品。雖勢異漢朝，而事同新室。加昌用捨乖方，立廢失所，矯情動眾，飾智驚愚，毒蠱滿懷，妄穀戒業。躁競盈貫，謬治清淨，內恣鴟靡，外逞殘賊。人人厭苦，家家思亂。災異降于上，怨讐興于下。履霜有漸，堅冰且至。恃執文斷取作將通鑑作傳浮躁之心，彊弩衝城。長戟通鑑作長戈，指闕。徒探雀殼，無救府藏之虛空。請熊蹯，詎延晷刻之命。外崩中潰，今實其時。鵠蚌相持，我乘其隙。方使高旗舒旆，長轂啟行。迅騎通鑑作駿騎，追風精甲。耀日四七，竝列百萬。爲羣風飄雲動，星羅海運。自此赴敵，何敵不摧。自此攻城，何城不

陷猶爲岸上之虎、當作水中之龍。譬轉石之形、爲破竹之勢。將使

鍾山渡江、青蓋入洛。荆棘生

藝文類聚通鑑有子字下句亦有

建業之宮、麋鹿遊

姑蘇之館。但恐兵車

藝文類聚通鑑作革車

之所轔轔、劍騎之所蹂踐。杞梓

藝文類聚于焉傾折、竹箭

作倚排此摧殘。若吳之王孫、蜀之公子、順時

曰動、見機而作、面縛銜璧、肉袒牽羊、歸款軍門、委命下吏、當使焚

楓而出、拂席相待、必曰楚材、將

藝文類聚待

作俟將作終爲晉用、固乃喜得異

度、實自利獲士衛、卽授客卿之秩、特加驃騎之號、斯蓋壯士封侯

之日、丈夫立節之秋冬、冰可折、時不再來、先事預懷、有如皎日、王

侯無種、工拙在人、凡百君子、勉求多福、若不改迷、坐待淪沒、一旦

暴骨草莽、流血成川、猶且不噬噬臍、何及故宣往意、馳此簡書檄

之到彼、咸共申省、文苑英華六百四十五同前又見通鑑一百六

十東魏使軍司社

作被移梁朝云云又藝文

類聚五十人作魏收讀當此徵魏收潤色之曾編入魏集耶疑誤也

與邢邵議生滅論

邵子爲人死還生恐是爲蛇蟲足跡杳然益謂人死歸無非有能
生之力然物之未生亦本無也無而能有不曰爲疑因前生後何
獨致怪邵云聖人設教本由勸獎故懼呂將來望各遂其性弼曰
聖人合德天地齊信四時言則爲經行則爲法呂虛示物呂詭物
民將同魚腹之書有異鑿楹之誥安能使北辰降光謂龍宮韞牘
就如所論福果可曰鎔鑄性靈弘獎風教爲益之大莫極于斯此
則真教何爲非實邵云死之言澌精神盡也弼曰此所言澌如射
箭盡手中盡也小雅曰無草不死月令又云靡草死動植雖殊亦
此之類無情之草當春還生含靈之物何妨再造若云草死猶有
種在則復人死亦有識識種不見謂呂爲無者神之在形亦非目
曬離朱之明所不能覩雖蔣濟覩眸賢愚可察鍾生聽曲山水呈
狀乃神之工豈神之質猶玉帛之非禮鍾鼓之非樂呂此而推義
斯見矣邵云季札言無不之亦言散盡若復聚而爲物不得言無

不之也。彌曰：骨肉下歸于土，魂氣則無不之。此乃形墮魂遊，往而非盡。如鳥出巢，如蛇出穴，由其尚有，故云無所不之。若令全無，之將焉適？延陵有察微之識，知其不隨于形。仲尼發習禮之歎，美其神與形別。若許昌麻然，然則人皆季子，不謂高論執此爲無邪？云神之在人猶光之在燭，燭盡則光窮。人死則神滅。列曰：舊學前儒每有斯誤。羣疑眾惑，咸由此起。蓋辨之者未精，思之者不篤。竊有未見，可㠯覈諸燭。則因質生光，質大光亦大人。則神不係于形。神小形豈小？故仲尼之智必不短于長狄。孟德之雄，乃遠奇于崔琰。神之子形亦猶君之有國。國晉君之所統，君非國之所生，不與同生。孰云俱滅？邢云：捨此適彼，生生恆在。周孔自應，同莊周之鼓缶和桑扈之循歌。弼曰：共陰而息，尚有將別之悲。窮轍昌遊，亦興中途之歎。況乎聯體同氣，化爲異物，稱情之服，何害于聖？師云：鷹化爲鳩，鼠變爲駕，黃母爲鼴，皆是有生之類也。類化而相之，猶光去

此燭復然于彼燭彌曰腐未化爲鳩鳩則非有爲鼠未化爲鼴則已無論相之乃侶竝對之稱既非未化爲鵠古下十八字從文苑英華蒲二有何可

兩立光去此燭得然彼燭神去此形亦託彼形又何惑哉彌云欲使土化爲人木生眼鼻造化神明不應如此彌曰腐草爲螢老木爲蠅造化不能誰其然也其後別與彌書云夫建言明理宜出典證而違孔背釋獨爲君子若不師聖物各有心馬首欲東誰其能禦奚取于適東何貴于得一逸韻雖高管見未諭前後往復再三彌邵理屈而止北齊書杜弼傳文苑英華七百五十八又魯記北史五十五

賜進士出身二品銜廣東等處提刑按察使司按察使兼管鹽運使事務岡王毓藻校刊

全北齊文卷五終

全北齊文卷六

烏程嚴可均校輯

宋遊道

遊道廣平人仕魏爲廣陽王深鎧曹遷殿中侍御史孝莊卽位除左中兵郎解職除司州中從事拜尚書左丞免孝武時爲通直散騎常侍後爲文襄大行臺吏部太原公開府諮議領平陽公中尉治書侍御史尋兼司徒左長史除御史中尉文宣受禪進兼太府卿卒贈瓜州刺史武平中加贈儀同三司諡曰貞惠詣闈上書乞解郎中

徐州刺史元孚頻有表云僞梁廣發士卒來圖彭城乞增羽林二千乞孚宗室重臣告請應實所乞量奏給武官千人孚今代下旨路阻自陔遂納在防羽林八百人辭云疆境無事乞將還家臣忝局司深知不可尚書令臨淮王彧卽孚之兄子遇省事謝遠三日

之史八度逼迫云宜依判許臣不敢附下罔上孤負聖明但孚身
在任乞師相繼及其代下便請放還退爲身無憂國之意所請
不合其罪下科或乃召臣于尚書都堂云卿一小郎憂國之心豈
厚于我醜罵溢口不顧朝章右僕射臣世隆吏部郎中臣辭琅已
下百餘人竝皆聞見臣實獻直言云忠臣奉國事在其心亦復何
簡貴賤比自北海人洛王不能致身死難方清宮召迎暴賊鄭先
護立義廣州王復建旗往討趨惡如流伐善何速今得冠冕百寮
乃欲爲私害政爲臣此言或賜怒更甚臣旣不佞干犯貴臣乞解
郎中北齊書宋遊道傳孝莊卽位除左兵中郎又爲尚書
分臨淮王彧謹責遊道乃執版長揖卽日詣閣上書

上書理李獎

臣聞賞善罰惡謂之二機有道存焉所貴不濫是呂子胥無罪吳
人痛之鄒宛不幸國言未息故河南尹李獎門居城里世擅名家
有此良才是兼周用自少及長忠孝爲心入朝出牧清明流譽
被

懷放陽風神爽發鬱廊廟之瑚璉社稷之禎幹往歲北海竊據負
屐當朝王公卿士俛啞從事而獎闔門百口同居京洛既破羈蟄
自拔無由託使東南情存避難當時物論謂其得所然北海未敗
之日徐州刺史元孚爲其純臣莫之敢距袁啟相望遲速唯命及
皇輿返正神器斯復輕薄之徒共生僥倖詭言要賞曲道求通濫
及善人稱爲己力若召獎受命賊朝語跡成罪便與天下共當此
責于時朝旨唯命免官亦既經恩方知酷濫伊昔具臣比肩賊所
身臨河上日尋干戈時逢寬政任遇不改一介使人獨嬰斯戮凡
在有心孰不嗟悼前朝所召論功者見其邊人且相慰悅其猶郭
默生亂劉膺懸首事乃權宜蓋非實錄昔鄧艾下世段灼理其冤
馬援物故朱勃申其屈臣雖小人趣事君子有懷舊恩義兼人故
見其若此久欲陳辭含言未吐遂至今日幽泉已閉墮樹成行內
手捫心顧懷愧慨幸逢興聖理運唯新雖曰纂戎事同創革頗有

大恩被于率土。亡官失爵者悉蒙追復。而獎雜木猶存。牛車未改。
士感知已。懷此無忘。輕率瞽言。干犯輦轂。伏願天鑒。賜垂矜覽。加
其贍秩。慰此幽魂。魏書李平附傳平長子獎孝莊初爲河南尹元
城人不承顯旨害獎傳首洛陽出帝時獎故吏通直
散騎常侍宋遊道上書理與詔贈衛將軍冀州刺史

密啟李子貞事狀

子貞元康交遊。恐其別有請囑。

北齊書宋遊道傳兗州刺史李子貞在州會幕遊道按之文襄召貞
預建義勤意將含忍游道疑陳元康爲其內助密啟云云

辭取

琡字雲珍。代人。徙居河南。本姓叱干氏。少仕宣武爲典客令。正
光中除洛陽令。累遷吏部郎中。永安中爲元天穆行臺尚書。行
西兗州事。天平初拜七兵尚書。神武引爲丞相府長史。轉殷州
刺史。歷度支殿中二尚書。齊受禪。爲尚書右僕射。卒贈開府儀
同三司。尚書左僕射。青州刺史。謚曰威恭。

上書論停年格

臣聞錦穀雖輕，不委之官學割瑚璫。任重豈寄之官弱力？若使選
曹唯取年勞，不簡賢否，使義均行雁次，若貫魚，勘簿呼名，一吏足
矣，數人而用，何謂銓衡？今黎元之命繫于守長，若其得人，則蘇息
湧直，素行有聞，竝學通古今，曉達治體者。北史作政職者，通其作理體者皆避唐諱追改官應其選，不拘入職遠近，年勳多少，其積勞之中有才堪牧人者，
自在先用之限，其餘不堪者，既壯藉其力，豈容老而棄之？將佐丞
尉去人稍遠，小小當否，未爲多失，宜依次補敘，官酬其勞。北史二
遷吏部郎中先是吏部尚書崔亮奏立停年格不簡人才專問勞
舊取乃上書云云書奏不報又通典十六略見北齊書辭故停復陳請令大臣薦賢

共治天下，本屬百官，是官漢朝常令三公大臣舉賢良方正有道
直言極諫之士，官爲長吏，監撫黎元，自晉末官來，此風遂替，今四

方初定務在養民臣請依漢氏更立四科令三公貴臣通典北史
卷三公宰各薦時賢召補郡縣明立條格防其阿黨之端庶令塗炭之餘

戴仰有地北齊書薛琡傳通典
卷十六北史二十五

討邢杲議

邢杲聚眾無名雖彊猶賊元顯皇室昵親來稱義舉此恐難測自河陰之役人情駭怨令有際會易生感動待顯事決然後迴師杲鼠盜狗竊非有遠志宜先討顯北齊書薛琡傳
卷十六北史二十五

柔

柔字子溫勃海饒安人魏特進雍孫初爲宣武挽郎解褐司空行參軍永安中除中堅將軍奉車都尉加冠軍將軍中散大夫元象中神武召爲永安公府長流參軍文宣受禪除國子博士中書舍人與魏收同譏魏書

嫡子孫承襲議

時議者已爲立五等爵邑。承上喪者無嫡子立嫡孫。無嫡孫立嫡子弟。無嫡子弟立嫡子孫弟。采邑爲無嫡孫立嫡曾孫不應立嫡子弟。議曰。采宗禮立嫡邑長故謂長子爲嫡子。嫡子死。邑嫡子之子爲嫡孫。死則曾玄亦然。然則嫡子之名本爲傳重。故喪服曰庶子不爲長子三年。不繼祖與禩也。禮記公儀仲子之喪。檀弓曰。何居我未之前聞。仲子舍其孫而立其弟何也。子服伯子曰。仲子亦猶行古人之道也。昔者文王舍伯邑考而立武王發。微子舍其孫盾而立弟衍。仲子亦猶行古之道也。鄭注曰。仲子爲親者諱耳。立子非也。文王之立武王權也。微子嫡子死。立其弟衍殷禮也。子游問諸孔子。孔子曰。不立孫。注曰。據周禮。然則商邑嫡子死。立嫡子之母弟。周邑嫡子死。立嫡子之子爲嫡孫。故春秋公羊之義。嫡子有孫而死。質家親親先立弟。文家尊尊先立孫。喪服云爲父後者出母無服。小記云。祖父卒而後爲祖母後者三年。爲出母無服者。喪者。

不祭故也爲祖母三年者大宗傳重故也今議曰嫡子孫死而立嫡子母弟嫡子母弟者則爲父後矣嫡子母弟本非承嫡曰無嫡故得爲父後則嫡孫之弟理亦應得爲父後則是父卒然後爲祖後者服斬既得爲祖服斬而不得傳重者未之聞也若用商家親親之義本不應嫡子死而立嫡子孫若從周家尊尊之文豈宜舍其孫而立其弟或文或質愚用惑焉小記復云嫡婦不爲舅後者則姑爲之小功注云謂夫有廢疾他故若死無子不受重者小功庶婦之服凡父母于子舅姑于婦將不傳重于嫡及將所傳重者非嫡服之皆如眾子庶婦也言死無子者謂絕世無子非謂無嫡子如其有子焉得云無後夫雖廢疾無子婦猶曰嫡爲名嫡名既在而欲廢其子者其如禮何禮有損益代相沿革必謂宗嫡可得而變者則爲後服斬亦宜有因而改

北齊書
才柔傳

張保洛

保洛代人初從葛榮爲領左右，敗爲余朱榮統軍累遷揚烈將軍奉車都尉。後隸神武爲都督帳內遷右將軍中散大夫除平南將軍光祿大夫加安東將軍封昌平縣薄家城鄉男元象初除西夏州刺史當州大都督封山武縣伯轉行蔚州刺史鎮晉州文襄嗣事旨爲左廂大都督加征西將軍除梁州刺史文宣受禪仍爲刺史廢帝初除滄州刺史封敷城郡王坐聚斂免官奪爵及卒追復本封。

造像碑

大魏武定七年十二月八日前使持節都督夏蔚二州諸軍事衛將軍夏蔚二州刺史當州大都督安武縣開國伯又征西大將軍儀同三司行晉州事東雍州鎮城安武縣開國侯張保洛前使持節都督東荊州諸軍事征西將軍東荊州刺史當州大都督東雍州鎮城永寧子劉襲假節督東雍州諸軍事新除右將軍東雍州刺

史當州都督安惠子薛光熾等敬造石碑像四佛四菩薩藉此微
功仰願先王婁太妃大將軍令公兄弟等亡者昇天訖生西方无
量壽佛國現在眷屬四大康和輔相魏朝永隆不絕復願所生父
母乃及七世皆生佛土體解至道乃至妻子無病延年長享福祿
在在處處遇善知識又使兵鋒不興關隴自平普天豐樂災害不
起乃至一切有形眾生蠢動之類皆發菩提道心一時成佛碑拓本

裴獻伯

獻伯河東聞喜人魏益州刺史宣第三子仕魏爲尚書郎入齊
遷廷尉卿除濟州刺史終殿中尚書

移御史中尉

案蔡氏漢儀御史中尉逢臺郎于復道中尉下避執版郎中車中
舉手禮之自此而言明非敵體通典二

李繪

繪字敬文，趙郡平棘人。仕北魏，歷中書侍郎、丞相司馬。武定初，爲高陽內史。文襄統事徵補，大將軍從事中郎，遷司馬。文宣嗣事，仍爲丞相司馬。齊受禪，除司徒右長史。卒，贈南青州刺史。謚曰景。案北齊書李繪傳誤入高隆之事三

百二十一十五字無從校正今從北史

荅崔誌書

鵠北史作鷁有六翮，飛則沖天。而有四足，走便入海。下官膚體疏嬾，手足遲鈍，不能逐飛追走。北史入作不能近俗以飛走見北史三十三遠事佞人。

李榮

榮字季節，繪族子。爲文襄天將軍府行參軍，除殿中侍御史。後爲太子舍人，坐事免。卒于并州功曹參軍。

達生丈人集序

達生丈人者，生于戰國之世。爵里姓名無聞焉。而時人揆其行已，彊爲之號。頗好屬文，成輒棄稿。常持論文云：古人有言，性情生于

慾又曰人之性靜慾實汨之然則性也者所受于天神識是也故爲形骸之主情也者所受于性嗜欲是也故爲形骸之役由此言之性情之辨斷然殊異故其身泰則均齊死生塵垢名利縱酒恣色所曰養情否則屏除愛著墮落支體收視反聽所曰養識是曰遇榮樂而無染遭辱垢而不悶或出入間或栖物表逍遙寄託莫

知所終北史三十三
李公緒附傳

穆子容

子容字山行代人魏司空亮從子歷通直散騎常侍平東將軍中書侍郎恆州大中正汲郡太守齊受禪入爲司農少卿卒于司農卿

太公呂望表

太公姓呂名望號曰尚父尚氏之興元出姜氏公望呂輔翼流詠子平呂礮素致謠卯金握厤冠蓋鱗次典午統宇軒冕波屬或秉

文入朝或用武出討儒默交映勳庸相超大魏東苞碣石西跨流
沙南極班超之柱北窮竇憲之誌高祖李文皇帝龍飛代郡鳳翔
鶩邑澄清人士品藻第望尚氏合宗還見禮擢九等舊制不失彝
序方知賢聖之門道風必復功德之後學識還昌太公肩孫尚口
尚天寶尚子牧尚子休尚方顯尚景口尚遵明尚褒香尚顯敬
尚迴歸尚口樂尚漢廣尚崇等器業優洽文義淹潤慨忌置碑僻
據山阜崔嵬列石不枕康衢遂率親黨更營碑祠召博望之亭形
勝之所西臨滄谷東帶沃川周秦故道燕趙舊路構宮鑄石口當
平顯庶使文範之祖不獨百城有道之美詎假千石凡斯盛事理
切含蒙余呂虛薄口參郡任民情和口口託爲文率爾彌翰棄辭
收理其詞粵

迢迢岳廟蔚蔚姜枝積德不已繼踵方義發將允執紂遂旨披託
口口口卽祚非難功著牧野口自幽岐旣伸惟惺仍秉鉅麾佐命

周室開邑齊土北控趙燕南臨口口一匡九合懸車東駕位極三事動高萬古葬切晉溫魂悲漢祖忻哉尚聖遺魂可憫言歸故鄉降神巫祝口口口口口室望岫庭栽異木井依餘發肴觴競奉歌鐘迭奏風雨節宣華夷用富恩被系子慶傳曾胄通直散騎常侍聘梁使平東將軍中書侍郎恆州大中正脩左使汲郡太守穆子容山行之文大魏武定八年四月庚辰朔十二日辛卯建造佛塔半刻晉盧无忌文已編入全晉文此不重錄

陸士佩

士佩武定末爲東都太守入齊未詳

遺陽斐書

當誨大將軍弓足下爲匠者

北齊遺陽斐傳東都太守陸士佩弓家始創

陽斐

遺斐書

斐字叔鸞，北平漁陽人。一云無終人。魏前軍將軍固從兄子。孝莊時，召功賜爵方城伯，歷侍御史，兼都官郎中。廣平王開府中郎，興和中除起部郎中，兼通直散騎常侍，使梁還除廷尉少卿。轉尚書右丞，齊受禪除鎮南將軍，尚書吏部郎中，免除都水使者，監築長城，行南譙州事。加通直散騎常侍，壽陽道行臺左丞。遷散騎常侍，除徐州刺史，帶東南道行臺左丞。乾明初徵拜廷尉卿，遷衛大將軍，兼都官尚書，行太子少傅。徙殿中尚書，監瀛州事，拜儀同三司。卒贈驃騎大將軍中書監，北豫州刺史。謚曰敬簡。

荅陸士佩書

當今殷憂馭聖，運邇昌麻。故大丞相天啟霸功，再造太極。大將軍光承先構，嗣績丕顯。國步始康，民勞未息。誠宜輕徭薄賦，勤恤民隱。詩不云乎：「民亦勞止，迄可小康。」惠此中國，以綏四方。古之帝王，

亦有表山刊樹未足盡其意下輒成寃詎能窮其情正足召靡天地之財用剗生民之體腦是故孔子對葉公曰來遠酬哀公曰臨民所問雖同所急異務故也相如壯上林之觀揚雄騁羽獵之辭雖係召墮脣填漸亂召收宜落綱而言無補于風規祇足昭其愆戾也

北齊書
陽斐傳

宋軌

軌天保中爲都官郎中

奏罷守宰設棒

昔曹操懸棒威于亂時今施之太平未見其可若受使請罪猶致大戮身爲枉法何召加罪隋書刑法志文皇后令守宰各設棒召誅是罷歸宿之使後都官郎中宋軌奏云云于之

張老

老天保中爲司徒功曹

上書請改律令

大齊受命已來律令未改非所已創制垂法革人視聽

隋書刑
法志

封子繪

子繪字仲藻渤海蓱人魏尚書右僕射隆之次子小名拯爲神武開府主簿隨府轉丞相主簿加伏波將軍除通直常侍左將軍領中書舍人加征南將軍金紫光祿大夫孝靜初兼給事黃門侍郎除衛將軍平陽太守加散騎常侍徵補大行臺吏部郎中文襄統事呂爲渤海太守加驃騎將軍天保初除大尉長史歷海州合州鄭州刺史徵爲司徒左長史乾明初轉大司農除魏尹皇建中加驃騎大將軍太常中遷都官尚書加儀同三司歷七兵尚書轉祠部尚書河清三年卒贈尚書右僕射諡曰節灌闢進止議

賊帥才非人雄偷竊名號遂敢驅率亡叛送死伊瀍天道祚注一

朝瓦解雖僅曰身免而魂膽俱喪混一車轂正在今日天與不取反得其咎時難遇而易失昔魏祖之平漢中不乘勝而取巴蜀失在遲疑悔無及已伏願大王不曰爲疑北齊書封隆之傳武定元文帝據冀東侵高祖于祁山破之乘勝長年高仲密尼武寧西拔頭驛遂至壠關命羣僚議其進止子僧言

辛術

術字懷哲隴西狄道人魏左光祿大夫雄族叔初爲司空胄曹參軍及遷鄆爲起部郎再遷尚書右丞出爲清河太守授并州長史文襄嗣事累遷散騎常侍武定末除東南道行臺尚書封江夏縣男遷東徐州刺史爲淮南經略齊受禪移鎮廣陵徵爲殿中尚書領太常卿遷吏部尚書天保十年卒皇建二年贈開府儀同三司中書監青州刺史

奏鄴都督構宜訪詢李業興

今皇居徙御百廢創始營構一興必宏中制上則憲章前代下則

模寫洛京。今鄴都雖舊，基址毀滅，又圖記參差，事多審定。臣雖曰職司學不稽古，國家大事非敢專之。通直散騎常侍李業興，碩學通儒，博聞多識，萬門千戶所宜訪詢。今求就之，披圖案記，攷定是非，參古雜今，折中爲制。召畫工并所須調度，具造新圖，由奏取定。

庶經始之日，執事無疑。

魏書李業興傳

崔曠

曠字彥通，清河東武城人。魏尚書休孫。初署郡主簿，歷清河公岳西閣祭酒，除御史。神武文襄相府中兵參軍，轉主簿。天保初，兼吏部郎中。皇建初，除給事黃門侍郎，加征虜將軍，除清河邑中正。武成卽位，除太子中庶子。太盈初，除衛尉少卿，尋兼散騎常侍，聘陳還，除太常少卿。加冠軍將軍，轉尚書吏部郎中，免。天統末，加驃騎大將軍，就拜銀青光祿大夫。武平三年卒，贈大理卿。諡曰文。

遺李榮書

伏氣使酒。我之常弊。詆訶指切。在卿尤甚。足下告歸。吾子何聞過也。

此齊書崔榮書與趙郡李榮爲莫逆之交榮將東還贈道之書

崔昂

昂字懷遠。博陵安平人。魏光州刺史挺孫。天平末。文襄引爲記室參軍。隨府遷長史。歷司徒右長史。尚書左丞。兼度支尚書。攝都官尚書。兼太府卿。齊受禪。遷散騎常侍。兼大司農卿。封華陽縣男。轉廷尉右僕射。文宣崩後。除儀同三司。光祿勳。皇建初。轉太常。河清初。兼御史中丞。坐事除名。復爲五兵尚書。遷祠部天統元年卒。贈趙州刺史。

上書極言得失

屯田之設。其來尚矣。曹魏破蜀。業已興師。馬晉平吳。兵因取給朝廷。項昌懷洛兩邑。鄰接邊境。薄屯豐公。糧儲已賅。準此而論。龜鑑

非遠其幽安二州控帶奚賊蠕徐揚充隊連接吳越疆鄰實藉轉輸之資常弊私糴之費諸道別遣使督之每攷其勤惰則人加勸勵倉廩充實供軍濟國實謂在茲其次法獄之重人命所懸頃者官司糾察多不審練乃聞緣淺入深未有雪大爲小咸呂畏避嫌疑共相殘刻其如錢絹粟麥其狀難分徑指爲贓罪從此定乞勑羣司務存獲實如此則有息將來必無枉濫北史三十二武定極言得失中文襄普令内外

昂上書

齊獻武王廟制議

案禮諸侯五廟太祖及親廟四今獻武王始封之君便是太祖既通親廟不容立五室且帝王親廟亦不過四今宏四室二閒兩頭各一煩室夏頭徘徊鵝尾又案禮圖諸侯止開南門而二王後祔祭儀法通典作儀注云執事列于廟東門之外既有東門明非一門獻武禮數既隆備物殊等準據今廟宜開四門內院南面開三門餘面

及外院四面皆一門。其內院牆四面皆架爲步廊。南出來門各置一星。召置禮器及祭服。內外門牆並用柏。聖廟東門道南置齋坊。道北置二坊。西爲典祠。廨竝廚宰。東爲廟長。廨并置東轍。其北爲養犧牲之所。魏書禮志。二武造六牢。二月將營濟獻。武王廟議定室數形制兼度支尚書崔昂及盧元明。王元景裴徽伯李渾。陸保李嵩陽。休之鄭伯猷。崔勣邢峙宗惠。張珙高元壽。王顯季等議。又見通典四十八。

崔季舒

季舒字叔正。昂族人。爲州主簿。神武引爲大行臺都官郎中。文襄輔政。轉大將軍中兵參軍。擢拜中書侍郎。轉黃門侍郎。齊受禪。召爲將作大匠。遷侍中。兼尚書左僕射。儀同三司。乾明初。召母喪去職。起爲光祿勳。兼中兵尚書。出爲齊州刺史。太寧初。拜度支尚書。開府儀同三司。出爲西兗州刺史。免。武平中。除膠州刺史。遷侍中。開府。加左光祿大夫。特進。召諫。被斬。周滅齊。追贈開府儀同大將軍。定州刺史。

與張雕議諫幸晉陽

尋春被亂大軍出拒信使往還須稟節度兼道路小人或相驚恐
云大駕向并畏避南寇若不啟諫必動人情

北齊書
季舒傳

張雕

雕中山北平人魏末起家殄寇將軍遷太尉長流參軍定州主簿除常山府長流參軍天保中爲永安王府參軍兼祠部郎中乾明初除國子博士遷平原太守武成卽位除通直散騎侍郎琅邪王儼博士尋爲涇州刺史拜散騎常侍侍讀加國子祭酒假儀同三司待詔文林館除侍中加開府後曰諫幸晉陽與崔季舒等俱誅死

臨刑對詰

臣起自諸生謬被抽擢接事累世常蒙恩遇位至開府侍中光寵隆洽每思塵露微益山海今者之諫臣實首謀意善形惡無所逃

死伏願陛下珍愛金玉，開發神明，數引賈誼之倫論說治道，令聽覽之間，無所掩蔽。則臣雖死之日，猶生之年。北齊書張灝傳陳序
曉刑帝令段孝

崔季舒等諫幸晉陽
言詰之辭對

王紘

紘字師羅，太安狄那人。興和中爲庫直除奉朝請，武定末賜爵平春縣男。除晉陽令。天保初加盞遠將軍。皇建初進爵義陽縣子。河清中加驃騎大將軍。天統初除給事黃門侍郎。加射聲校尉。遷散騎常侍。武平初進開府儀同三司。遷侍中。有鑒識二十

四篇。

上言備邊

突厥與宇文男來女往，必當相與影響。南北寇邊，宜選九州中男彊弩，多據要險之地。伏願陛下哀忠念舊，愛孤恤寡，矜愚嘉善，舍過記功。敦骨肉之情，廣寬仁之路。思堯舜之風，慕禹湯之德。克己

復禮目成美化天下幸甚

北齊書王紹傳
平初上言

宋景業

景業廣宗人魏末爲北平太守齊受禪授散騎侍郎封長城縣子

上言圖緝

易稽覽圖曰鼎五月聖人君天與延年齒東北水中庶人王高得

北齊書宋

之謹案東北水謂渤海也高得之明高氏得天下也

北齊書宋
業傳顯祖作

相在晉陽景業因高德政上言云云是時
魏武定八年五月也又見北史八十九

董峻

鄭元偉

非宋景業天保麻議

宋景業移閏于天正退命于冬至交會之際承二天之後三月之交妄減平分臣案景業學非探赜識殊深解有心改作多依舊章

唯寫子換母頗有變革。妄誕穿鑿，不會真理。乃使日之所在差至八度，節氣後天閏先。一月朔望虧食，既未能知其表裏，遲疾之麻步，又不可召。傍通妄設，平分虛退，又至虛退，則日數減于周年，平分妄設，故加時差于異日。五星見伏，有違二旬，遲疾逆順，或乖兩宿軌行之術。安刻水旱，今上甲寅元卯，竝呂六百五十七爲率，二萬二千三百三十八爲蔀，五千四百六十一爲斗分。甲寅歲甲子日爲元紀。隋書律曆志中後齊太寔受禪，命散騎侍郎宋慧業造天保曆。至後主武平七年，董峻鄭元偉立議，非之。

賜進士出身二品銜廣東等處提刑按察使司按察使兼管驛傳事務廣西梧州知府王毓藻校刊

全北齊文卷七

烏程嚴可均校輯

鄭述祖

述祖字恭文，滎陽開封人。魏祕書監道昭子。歷司空行參軍。累遷司徒左長史。尚書侍中。太常卿。丞相右長史。入齊。歷太子少師。左光祿大夫。儀同三司。使持節車騎大將軍。前後行瀛。殷冀。滄。趙。定六州事。正除懷。兗。光三州刺史。又重行殷。懷。趙三州刺史。天統元年卒。年八十一。贈開府中書監。北豫州刺史。謚曰平簡。

重登雲峯山記

大齊河清三年五月廿四日使持節都督光州諸軍事車騎大將軍儀同三司光州刺史鄭述祖字恭文卽魏鎮北將軍祕書監青相光三州刺史文恭公熒陽道昭之子魏大鴻臚卿北豫州刺史

司空公嚴祖之第三弟先君之臨此州也。公與仲兄豫州敬祖、叔弟光州遵祖、季弟北豫州順祖同至此鎮。于時公季始十，雅好琴文。登山臨海，未嘗不從。常披鹿皮裘子，此州人士呼爲道士。郎君及長官歷司徒左長史再履尚書，三爲侍中。滄瀛冀趙懷充行正得此。十州刺史公之所撫，莫非大蕃。言及光部，恆所欽羨。只爲前蹤誠所願也。便昌此夏斯願方遂。忻慰登途，苦歸桑梓入境。歎曰：吾自幼遊此，至今五十二季。昔同至者今盡零落，唯吾一人重得來耳。于是悽感殆不自勝。因南眺諸嶺，指雲峰山曰：此山是先君所名。其中大有舊迹，未幾遂率僚佐同往遊焉。對碣觀文，發聲哽塞。臨碑省字，興言淚下。次至兩處石詩之所，對之號仰彌深。彌勸哀纏左右，悲感傷人。雖曾閱之誠詎能過也。但石詩季久，字皆辭落。實從尋省，莫能識之。公乃曰：此時吾雖幼小，略嘗記錄。此當是與道俗十餘人論經書首，遂口持百餘言，諸人得此，乃共披

拂從首及末無一訛舛久之方昇于此此處名曰山門左闕仍仰觀斯峯曰此上應有九仙之名卽遣登尋果如所說此山正南里百天柱山者亦是先君所号以其孤上千雲傍無蹊嶺因以名之其山上之陽先有碑碣東墻石室亦有銘焉從此東北一十二里太基山中復有雲居館者亦是先君所立其四峯之上鐫記不少悉有誌錄殊復可觀今日于此略陳彼境冀洪聲異迹永無淪沒者矣碑拓本

天柱山銘

使持節都督光州諸軍事車騎大將軍儀同三司滎陽鄭述祖作巖巖岱宗魯邦仍其致祀奕奕梁山韓國召之作贊蓋由拳石吐雲扶寸布雨五岳三望六宗九獻祈禱斯應禮秩攸明天柱山者卽魏故通直散騎常侍中書侍郎國子祭酒祕書監青光相三州刺史先君文恭公之所題目南臨巨海北眺滄溟西帶長河東瞻

大壑斜嶺崇天層峯隱日尋十州于掌內總六合于眼中文籍自此經停精衛因其止息始皇遊而忘返武帝過以樂畱豈直蛾眉鳥翅二別兩滄對談大小共敍優劣者也公稟氣長貌含靈川岳禮義以成頰矩仁智用爲樞機自結衣逞舉革履傳聲組綬相輝貂冕交映至于愛仙樂道之風孝敬仁慈之德張良崔廓未之云擬文先夏甫何以能加魏永平三年朝議以此州俗關南楚境号東秦田單奮武之鄉麗其騁辯之地民猷鄙薄風物陵遲謚諸俾乂非公勿許及駐雜御下享魚理務羣情款密庶類允詣變此澆夷之俗侔彼禮樂之邦懋蹟布在哥謠鵠範宣諸史策公久闕粉渝永懷桑梓同昇隴而灑泣類陟岵以興嗟于此東峯之陽仰述皇祖魏故中書令祕書監兗州刺史文貞公述狀鐫碑一首峯之東堪石室之內復製其銘余忝資舊德力構前基遂秉笏朝門策名天府出入蕃邸陪從帷幄凡諸身歷瀛趙滄莫懷及充光行正

十州刺史北豫州大中正三登常伯再履納言光祿大常頻居其任揣究庸虛無階至此直是遺薪妄委餘慶濫鍾何曾不想樹嗟

風瞻天愧日猥當今授踵迹此蕃敢慕樞書仰宣庭誨其詞曰

嵩高峻極大華削成祈望諸素禋禱羣經崇哉天柱迥出孤亭地
險樹德藉此爲名赫矣先公道漢義富如桂之馨如蘭之茂尊祖
愛親存交賞舊讎屬恩淺實慙穿構大齊天統元年歲次乙酉五
月壬午朔十八日己亥刊碑拓本

雲居館刻石

司徒左長史尚書侍中太子少師太常卿車騎大將軍儀同三司
左光祿大夫北豫州大中正瀛趙滄冀懷充光行正十州刺史鄭
述祖雲居館之山門也天統元年九月五日刊碑拓本

解律光

光字明月朔州敕勒部人左丞相金子神武擢爲都督遷征虜

將軍衛將軍封永樂縣子進爵爲伯齊受禪加開府儀同三司別封西伯縣子除晉州刺史皇建初進爵鉅鹿郡公大寧初除尚書右僕射太子太保河清中爲司空遷司徒進太尉又封冠軍縣公天統初轉太將軍除太保襲父金爵咸陽王別封武德郡公遷太傅武平中又封中山郡公加右丞相并州刺史拜左丞相又別封清河郡公爲祖珽所譖誅周武入鄴追贈上柱國崇國公

與周大保達奚武書

鴻鵠已翔于寥廓羅者猶視于沮澤也

周書達奚武傳

祖珽

珽字孝徵范陽遒人一云狄道人魏太常卿瑩子起家祕書郎對策高第遷尚書儀曹郎文宣以爲并州倉曹參軍人爲神武中外府功曹遷祕書丞領舍人事免文襄嗣事復爲功曹參軍

文宣受禪，召直中書省，除尚藥丞，遷典御。武成卽位，拜中書侍郎，出爲安德太守，轉齊郡太守。人爲太常少卿，散騎常侍，假儀同三司。後主卽位，拜祕書監，尋徙光州，就除海州刺史。人爲銀青光祿大夫，祕書監，加開府儀同三司，進侍中，尚書左僕射，監國史，加特進，封燕郡公。尋解職，出爲北徐州刺史。

上呈修文殿御覽表

昔魏文帝韋誕諸人，撰著皇覽，包括羣言，區分義別，陛下聽覽餘日，眷言紺素，究蘭臺之籍，窮策府之文，已爲觀書貴博，博而貴要，省日兼功，期于易簡。前者修文殿令臣等討尋舊典，撰錄諸書，謹罄庸短，登卽篇次，放天地之數，爲五十部，象乾坤之策，成三百六十卷。昔漢時諸儒集論經傳，奏之白虎閣，因名白虎通，竊緣斯義，仍曰修文殿御覽。今繕寫已畢，梓目上呈，伏願天鑒，賜垂裁覽。御覽

上書請定樂

魏氏來自雲朔，肇有諸華樂，操土風，未移其俗。至道武帝皇始元年，破慕容寶于中山，獲晉樂器，不知采用，皆委棄之。天興初，吏部郎鄧彥海奏上廟樂創制宮懸，而鐘管不徹，樂章既闕，雜呂歛遷迴歌，初用八佾，作皇始之舞。至太武帝平河西，得沮渠蒙遜之伎，賓嘉大禮，皆雜用焉。此聲所興，蓋苻堅之末，呂光出平西域，得胡戎之樂，因又改變，雜呂秦聲，所謂秦漢樂也。至永熙中，錄尚書長孫承業、共臣先人太常卿瑩等，斟酌舊修，戎華兼采，至于鐘律，煥然大備。自古相襲，損益可知。今之創制，請呂爲準。清書音樂志中文宣受禪後尚

樂典御祖珽自言舊在洛下曉知
舊樂上書又見通典一百四十二

上書請傳位東宮

陛下雖爲天子，未是極貴。按春秋元命包云：乙酉之歲，除舊革政。今年太歲乙酉，宜傳位東宮。今君臣之分早定，且曰上應天道，齊化。

書補
其傳

造陸姬弟悉達書

趙彥溪心腹溪沈欲行伊霍事儀同姊弟豈得平安何不早用智士邪北齊書

祖延傳

冀州刺史方俟受洛清德頌

并州定國寺碑並見北齊書

祖延傳亡

樊遜

遜字孝謙河東北猗氏人爲臨漳小史遷主簿武定末梁州刺史劉殺鬼呂爲錄事參軍隨府遷潁川長史齊受禪本州舉秀才報罷梁州重舉秀才對策第一超除員外將軍武成卽位轉授主書遷員外散騎侍郎

天保五年舉秀才對策

五年正月制詔問升中紀號孝謙對曰臣聞巡祿之禮勒在虞書

省方之義著于易象。往帝前王，匪唯一姓。封金刊玉，億有餘人。仲尼之觀梁甫，不能盡識。夷吾之對齊桓，所存未幾。然盛德之事，必待太平。苟非其人，更貽靈譴。秦皇無道，致風雨之災。漢武奢淫，有奉車之害。及文叔受命，炎精更輝。四海安流，天下輯睦。幼賜騎士馬，駕鼓車，乃用張純之文。始從伯陽之說，至于魏晉。雖各有君量，德而處莫能擬議。蔣濟上言于前，徒據紙墨。袁準發論于後，終未施行。世歷三朝，年將十祀。啟聖之期，茲爲昌會。然自水德不號，而谷封塗天馬，息歌苞茅，絕貢我太祖收寶雞之瑞，握鳳皇之書。體一德，召匡朝。屈三分而事主，蕩此妖寇，易如沃雪。但昌旣受命，發乃行誅。雖太白出高，中國宜戰。置之度外，望其遷善。伏惟陛下，㠭神武之姿，天然之略。馬多冀北，將異山西。涼風至白露下，北上太行。東臨碣石，方欲吞巴蜀而埽嶧函。苑長洲而池江漢，復恐迎風縱火，芝艾共焚。按此六軍，未申九伐。夫周發牙璋，漢馳竹使。義在

濟民非聞好戰。至如殺鼠忌器之說，蓋是常談文德懷遠之言。豈誠權道？今三臺令子、六郡良家，蓄鷙須時，裏櫛待詔，未若龍駕虎服，先收隴右之民，雷轉雷驚，因取荆南之地。昔秦舉長平，金精食晶，楚攻鉅鹿，枉矢霄流，況我威靈能無協讚？但使彼之百姓，一覩六軍，佇見周王，若逢司隸，然後除其苛令，與其約法，振旅而還，止戈爲武，標金南海，勒石東山，紀天地之奇功，被風聲于千載。若令馬兒不死，子陽尚在，便欲奉明堂之圖，草射牛之禮，比德論功，多慙往列，升中告禪，臣用有疑。

又問求才審官孝謙對曰：臣聞彫獸畫龍，徒有風雲之勢；金舟玉馬，終無水陸之功。三駕禮賢，將收實用，一毛不拔，復何足取？是曰堯作虞賓，遂全箕山之操；周移商鼎，不納孤竹之言。但處士盜名，雖云久矣；朝臣竊位，蓋亦實多。漢拜丞相，便有鍾鼓之妖；魏用三公，乃至孫權之笑。故山林之與朝廷，得容非毀；肥遜之與賓王，

有優劣。至于時非蹈海，而曰羞作秦民。事異出關，而言恥從衛亂。
雖復星于帝座，不易高尚之心。月犯少微，終存耿介之志。自我太
獄之後，克廣洪業。禹至神宗，舜格文祖。陛下受天明命，光華日月。
爰自納釐，乃格文祖。儀天地，曰設官。象星辰，曰布職。漢家神鳳，甄
用紀年。魏氏青龍，羞將改號。上膺列宿，咸是異人。下法山川，莫非
奇士。所曰盡堂甲觀，修德日新廟。鼎歌鍾王，効成委循。名實選
眾，與能朝無銅臭之公。世絕錢神之論，昔百里相秦。名存雀錄，誰
張輔浦。姓在河書，今日公卿。抑亦天授，與之爲治。何欲不遂，未必
稽首天師。方聞牧馬之術，膝行山上。始得治身之道，但使帝德休
明。自彊不息，甲夜觀書。支日通奏，周昌桀紂之論。欣然開納，劉毅
桓靈之比。終日含弘，高懸王爵。唯能是與，管庫席造。漁鹽畢錄，無
令桓譚非識。官止于郡丞，趙壹負木位。終于計掾，則天下宅心。幽
明知感，歲精仕漢。風伯胡周，眞人去而復歸。台星坼而還斂，詩稱

多士易載望龍從此而言可言無愧

又問釋道兩教李謙對曰臣聞天道性命聖人所不言蓋曰理絕
涉求難爲稱詣伯陽道德之論莊周逍遙之旨遺言取意猶有可
尋至若玉簡金書神經祕錄三尺九轉之奇絳雪玄霜之異淮南
成道大呴雲中子喬得仙翩飛天上皆是憑虛之說海棗之談求
之如係風學之如捕影而燕君齊后秦皇漢帝信彼方士冀遇其
真徐福去而不歸欒大往而無獲猶謂升遐倒影抵掌可期祭鬼
求神庶或不死江璧既返還入驪山之墓龍媒已至終下茂陵之
墳方知劉向之信洪寶沒有餘責王充之非黃帝比爲不相又末
葉已來大存佛教寫經西土畫像南宮昆池地黑目爲燒劫之灰
春秋夜明謂是降神之日法王自在變化無窮置世界于微塵納
須彌于黍米蓋理本虛無示諸方便而妖妄之輩棄家出家藥王
燔軀波斯灑血假未能然猶當克命靈有改形易貌有異生人态

意放情還同俗物。龍宮餘論鹿野前言，此而得容，道風前墜。伏惟陛下受天明命，鼎已濟民。山鬼效靈海神率職，湘中石蠶沐時雨而羣飛。臺上銅鳥憩和風而杓轉，日周都洛邑治在鎬京。漢宅咸陽，魂歸豐沛，汾晉之地，王迹維始。眷言寡幸，且勞經略，猶復降情文苑，斟酌百家，想執玉于瑤池，念求珠于赤水。竊呂王母獻環，由感周德，上天錫珮。實報禹功，二班勒史，兩馬製書，未見三世之辭。無聞一乘之旨，帝樂王禮，尚有時而沿革，左道怪民亦何疑于沙汰。

又問刑罰寬猛，孝謙對曰：臣聞惟王建國，刑以助禮，猶寒暑之贊陰陽，山川之通天地。爰自末葉法令稍滋，秦篆無昌窮書，楚竹不能盡載。有司因此開昌二門，高下在心，寒熱隨意，周官三典，棄之若吹毛。漢律九章，遠之如覆手，遂使長平獄氣得酒而後消，東海孝婦因災而方雪。詔書挂壁，有善而莫遵，姦吏到門，無求而不可。

皆由上失其道。民不見德而議者守迷不尊其本。鍾繇王朗追怨
張倉祖訥梅陶。共尤文帝便謂化屍起僵。在復肉刑致治興邦。無
關周禮。伏惟陛下昧爽坐朝。畱心政術。明罰呂糲諸侯。申恩同孩
百姓。黃旗紫蓋已絕東南。白馬素車將降軌道。若復峻典深文。臣
實未悟。何則。人肖天地。俱稟陰陽。安則願存。擾則圖死。故王者之
治務先禮樂。如有未從。刑書乃用。寬猛兼設。水火俱陳。未有專任
商韓而能長久。昔秦歸士會。晉盜來奔。舜舉皋陶。不仁自遠。但令
釋之定國。迭作理官。龔遂文翁。繼爲郡守。科閒律令。一此憲章。欣
聞汲黯之言。泣斷昭平之罪。則天下自治。大道公行。乳獸含牙。倉
鷹垂翅。楚王錢府。不復須封。漢獄冤囚。自然蒙理。後服之徒。既承
風而慕化。有截之內。皆蹈德而詠仁。號曰成康。何難之有。

又問禡福報應。孝謙對曰。臣聞五方易辨。尚待指南。百世可知。猶
須吹律。況復天道祕遠。神迹難源。不有通靈。孰能盡悟。乘楂至于

河漢唯覩牽牛假寐遊于上玄止逢翟火造化之理既寂寞而無傳報應之事固難得而妄說但秦穆有道句芒錫祥虢公涼德摹收降禍高明在上定自有知不可謂神冥昧難信若夫仲尼厄于陳蔡孟軻困于齊梁自是不遇其時靈闕報應之理子胥無首馬遷腐下受誅取辱何可尤人至如協律兒親擢船得幸從此而言更不足怪周王漂杵致天之罰自起誅降行己之意是自七百之祚仍加姬氏杜郵之戮還屬武安昔漢問上計不過日蝕晉策秀才止于寒火前賢往士咸用爲難推古比今臣見其易然草萊百姓過荷恩私三折寒膠再遊金馬王言昭責思若有神占對失圖

伏深悚懼北齊書
樊遲傳

刊定祕府書籍議

案漢中壘校尉劉向受詔校書每一書竟表上輒言臣向書長水校尉臣參書大夫公太常博士書中外書各若干本日相比校然

後殺青余所讎校供擬極重出自蘭臺御諸甲館向之故事見存
府閣卽欲刊定必籍眾本太常卿邢子才太子少傅魏收吏部尚
書羊銜司農少卿穆子容前黃門郎司馬子瑞故國子祭酒李業
與竝是多書之家請牒借本參校得失北齊書

樊遜傳

陸操伏渾卒爲楊愔作書告晉陽朝士

客誨

臨漳令裴鑒清德頌

見北齊書樊遜傳亡

庫狄干碑銘

北史八十三

郎基

基字世業中山新市人爲奉朝請天保中除海西鎮將軍爲侍

御史皇建初除鄧州長史帶潁川郡守卒贈驃騎大將軍和州

刺史諡曰惠

答潘子義書

觀過知仁斯亦可矣

北齊書
鄭基傳

賈進士出身二品銜廣東等處提刑按察使司按察使兼管驛傳事務尚岡王毓藻校刊

全北齊文卷八

烏程嚴可均校輯

劉逖

逖字子長，彭城人。魏太常卿芳孫。天保初，行定陶公。皇建初除太子洗馬。武成卽位，除散騎侍郎兼儀曹郎。進中書侍郎，加散騎常侍，儀同三司。天統中，出爲江州刺史。徙仁州刺史。武平中徵還，待詔文林館。重除散騎常侍，與崔季舒等同誅。

薦辛德源表

弱齡好古，晚節逾厲。枕籍六經，漁獵百氏。文章綺鑿，體調清華。恭慎表于閨門，謙撫著于朋執。實後進之詞人，當今之雅器。必能效節一官，聘足千里。

隋書
德源傳

鴻

鴻失其姓

西門豹祠堂碑

自夫清剛儼以分嶽沈濁判其下瀆爲紀羅上口口之
羲堯襄葛之年炎軒吳頊之口口口瑞所聞蓋口口虞傳口口
周口口口口令踰千國旣口口口壅水農九州鑿割
七雄基口口口口國之君口口古之業口口口田土口口口
口口璜河內侯治鄴口口子昌言而爲任西門厲精而出宰口
拒比周治中嚴密璽還而寢主口亡而營吏口班旣別口彩白口
不省書口積倉府戎東北首伎口南口佩口臨事簪筆聽神民吏
不敢兩欺口巫老口茲於波浪頓頑鄉密異術均美口口口首列
城歸口于是生致尸祝之禮歿貽棠杜之恩雖口券金書逝者不
作口口壇表墓俎豆逾遠非口襄王口口口子託葬存稱惠主死
曰明神所召年世經關風俗漸染恩福之祈咸在災沴口福仍口
非直郡國掾史實降口口蓋魏氏季年日銷地反投蜺不息關

馬盈空口自金堂懸生玉室天示昭明之證帝啟卽周之期我太
祖獻武皇帝合制斗墨放口口口翦兇族於黎口口口於華口
口運口竭激峴嶮之永輸口口口競口口口增威一
口口社再
祠絕口匡口口口口口口萬口口口五口口會知三口之水從
想口橋之難口口口口口口口猶存式瞻神宇雅口口口蘭口成
林棟口口口口口得口忘言世宗文襄皇帝口口口口口
口口龍口淵口口口應物納口黎於口口口口於口口口
燕祠堂獨口口壁口口口口口僚口口口芳口以丹口磨口
膠枷鯨螭口下閭 神居獨口下閭 而宛轉口下閭 蹤水仙鳥鳴林口
歇尊神尚德門終口口口有歸紛郁 皇上宮府口物覈口
口口口口口有稟賦靈性口口爲德道不可口口還口爐樂反
常流蔽雲白卷仙璣協律口鬯口神文炳北口口口西鳳麟口
五口光氣四舉奠而圖 牛於陰山風逸驥於桃塞捐金抵玉未

衆口口口致酒英傑先之顧以賢宰餘休聯下宸鑒斯揆使持節驃騎大將軍開府儀同三司司州牧宗師清河王岳出應敵國入當下關之一帥執刺都輦標榜九牧馴禽下口雨來風披席口口傾賢禮俊眷彼熊官投口千祀下晉崩離殊類竊假畏威仰德堅俾在口春煦口口超二百執除之口口口口口號豈不蒼精云啟口口口口口言偕迹墳地不遺委贊興王恭承口運幽明口遠意在斯乎乃命口紀口口鴻口口以昭晉神道口口口口口口口而口絕望黃岑以俱時其詞曰

星精旁散漢津橫瀉山峙口口瀆流疎野中處外薄感夷感夏問德不昌三詩缺雅下關侮弱憑彊魏侯趣士民俊口望鄰有賢令夏景冬燠口口率口口口俗下存祀四時亡哀百贍始聞賢烈終口明靈忻殫鼓口口盡牢牲藉蘭諒意尊口口口口徒口禮下人授手口口謀居光宅漳右龍駒鵠蓋鳴笳駟性口口眉

○載前載後口象口口飾衛逾隆天子赫赫琳數在躬夏應處命
舜受堯終洛汎文章河浮圖口會屬冥脫居今陋昔咸秩報口口

口口口口口宜畱金石口祝蒲幹口率依風毛畢均美明

碑拓本一案中州金石記引太尉寔字記云鄧縣西門橋齊天保五年侯射魏收爲碑存焉則碑是天保五年魏收所撰無疑今案魏收所撰者乃西門橋碑此是西門祠廟彼此異也碑序末云乃命口紀口口鴻口口呂昭晉神隨鴻下隱隱堤作鴻二字則亂鴻二字乃撰碑者之地名人名指已殘闕俟更求舊拓本補之

朱陽

瑒仕梁爲驃騎王琳府倉曹參軍琳敗隨入齊

與徐陵請王琳首書

竊已朝市遷貿時傳骨髓之風屢運推移聞表忠貞之迹故典午
將滅徐廣爲晉家遺老當途已謝馬孚稱魏室忠臣用能播美于
前書垂名于後世梁故建盧公琳洛濱餘胄沂州舊族立功代邸
效續中朝當離亂之辰總方伯之任爾乃輕躬殉主自身許國實

追蹤于往彥、信踵武于前脩、而天厭梁德、尚思匡繼、徒蘊包胥之
念、終邁萇弘之寄。洎王業光啟、開祚有歸、于是遠跡山東、寄命河
北、雖輕旅臣之歛、猶懷客卿之禮。感茲知己、忘此捐軀、至使身沒
九原、頭行千里、誠復馬革裹尸、遂其平生之志。原野暴體、全彼人
臣之節、然身首異處、有足悲者。封樹靡大、良可憘焉。易旱籩未條、
預參下席、降辭君之吐握、荷魏公之知遇、是用沾巾拭袂、痛可識
之頰、迴腸疾首、切猶生之而伏。惟聖恩博厚、明詔爰發、赦王經之
哭、許田橫之葬、瑤雖芻賤、竊亦有心。琳經杜詩陽、順存遺愛、曾遊
江右、非無餘德、比肩東閣之吏、繼踵西園之賓。願歸元彼境、還修
窀穸、庶孤墳既築、或飛銜土之燕、豐碑式樹、時留墮淚之民。近故
舊王綰等已有諭牒、仰蒙制議、不遂所陳。昔廉公告逝、卽肥川而
建塋域、孫叔云亡、仍灼陂而植楸櫟。由此言之、抑有其例、不使善
春城下、惟傳報幕之人、滄洲島上、獨有悲田之客、昧死陳辭、伏待

刑憲

北齊書王琳傳北史王琳傳文苑英華六百九十三

方道顯

造釋迦像碑

唯大齊皇建元年歲次庚辰十月己卯朔廿日戊申大齊清信士
佛弟子方道顯敬造釋迦石像一軀上爲皇帝陛下七世父母邊
地眾生有形之類咸同其福善

碑拓本
姓名七列
下有
不錄

張奉禮

奉禮河清中爲光州別駕

上言祖珽事

珽雖爲流囚常與刺史對坐

北齊書祖珽傳傳北史祖珽傳
動遇之甚厚別駕張奉禮希大臣意

上言

申嗣邕

嗣邕爲齊州騎兵參軍

隴東王感孝頌

并序

惟夫德行之本、仁義之基、感洞幽明、擾馴禽獸、清音帶兵而挺潔
素采、映雪而流輝、根矩定于一丸、丘絕于三失、開府儀同三司
尚書右僕射尚書左僕射尚書令攝選新除特進使持節齊州刺
史隴東王胡長仁、雖黃雅俗、雄飛咸里、入膺北斗、執柄端衡、出牧
東秦、總條連率、未脫崔林之疑、聊帽賈宗之禮、視聽經過、訪詢耆
舊、郭巨之墓、馬巒交阡、孝子之堂、鳥翅銜息、君王愛奇好古、歷覽
徘徊、妃息在傍、資僚侍側、璧疑秦鏡、炳煥存形、柱識荆珉、案寥遺
字、所召斂眉、長歎念昔追遠、遂若羊公登峴、還同處望飲泉、慨賢
勝之多弊、嗟至德而無紀、蘭溪儻不見松、穀城何可知石、于時開
府中兵參軍梁恭之、盛工篆隸、騎兵參軍申嗣邕、微學摛藻、竝應
命旨、俱營銘筆、自大齊武平元年正月廿二日、權輿雕塋、表建庭
宇、棟列蒼文、礎栽翠柏、庶令千葉之下、彌振金聲、光原之中、恆浮

玉樹其詞曰

天經地義，啟聖通神。重華曾閔萊子樂春，時多美迹。世有芳塵，前漢逸士。河內貞人，分財雙季。獨養孽親，客舍凶弭。兒埋福瑞，穹隆感異。芳薄胎珍，懸車遲落。夜臺弗晨，千齡俄古。萬祀猶新，朱駿紫蓋。撫俗調民，高山達節。景慕榮嘶，式憑不朽。永播衣巾。碑拓本

朱敬脩

朱敬範

敬脩，樂陵溼沃人。敬範，敬脩從父兄。

朱岱林墓誌銘

君諱岱林，字君山。樂陵溼沃人也。自辛朝喪麻昌丘銜書，親昌建社，暨亦啟國，扶封於邾。公加茅土方曹析壤，姬魯稱雄，別有由謚立姓，因字爲氏。斯卽去邑從朱，蓋是殊方共致，卯金則司空佐命，當塗卽領軍贊業，整在晉嗣，美表於趙，垂名所謂。杞梓繼生，公侯

閒起哲人世挺衣冠代襲曾祖霸儒該丘索術盡從橫魏使持節
平州諸軍事安遠將軍平州刺史俗鄰壘場布呂威恩醉酒空陳
夜金不受於後諭言及樂謠巧亂鄒倫余鷗揚颶然鵠起擁鄉里
三千餘戶來逝河南值元嘉之末朝多喪亂不獲其賞仍居青州
之樂陵郡祖法弘下帷耽裁閒靜自得舉秀才擧弱南平王府行
參軍遷尚書祠部郎中禮閣有聲含香擅美後遷司徒府諮議參
軍事亡贈鴻臚卿父孝祖清規勝軌地美才高俄而魏高祖孝文
皇帝熊黑竟駛蒼兕爭先化洽江湘介行天下錄奇異于巖壑訪
隱逸于閭閻起家除榮陽縣令轉北海太守流涕蓋族歌謡稚子
從今剗古竝駕分駢君膺茲秀氣稟是滔和三隸六里方珠比玉
左智右賢擬龍齊鳳得嗟蔡子見重矣相車始十餘身離艱苦晨
號夕蹶柴毀骨立遂使鳩來柄集馬懸榜草精通飛走擦貫幽明
魏廣陵王愛善如好書比德傳侯南服妙選英佐託以金蘭徵

爲國常侍辭不獲已，俛愧從職。而族羸荷盼，難交公私。介推逃賞，終遁晉文。未踰十旬，還以病解。後彭城王又以皇枝之貴，作牧東
秦。召爲主簿，久而從命。王藉甚有素，不苦抑遏。終遂平木之心，乃
申安道之志。君雅量之地，無際可尋。元昆季弟，推之京宦，同於得
喪。等榮枯，含章韜綵，藏明晦用。兄元旭，散騎常侍，出除南充州
刺史。弟叔業，通直散騎常侍，左光祿大夫，高冠映日，長戟陵風。譽
滿京華，聲馳萬縣。縱趙孝之讓禮，食曾何足云。魯公之就平名，詎
堪方此。魏廷尉卿崔光，韶侍中賈思伯，竝聰敏當世，器局櫛時。結
四子七賢之交，飲醪投水之密。畱連宴嘉，付寫衿期。黃門郎徐紇
與君意得言忘，處權居要恆思不次之舉。還疑志不可奪，蘸言之
暇，聊申微旨。君答云：昔人有以術忤帝，或道質曰：玉譬之鱗羽，本
乖飛伏，而平生庸短，末希簪綬。如斯之貺，乞不加己。紇愛人自禮，
兼相欽尚。從其所好，不敢熟維。普泰之季，水德不競。蒼雲蓋野，紫

日生天、烏合蟻徒聚三齊之地、豎牙鳴角、算十二之險、不異井中
虛言聖出、何殊轍口安号神人、拔本塞源、摧蘭天桂、春秋五十有
四、遐途悲噎、聞見涕零、惟君大度、不羣峻口孤上、託宿假道、唯仁
與義、規矩成則、物我兼忘、非夷非惠、不石不玉、惻隱同於子魚、友
悌侔於伯雅、何忽儋山石折、智士遲傾、臣大齊武平二年歲次辛
卯二月乙卯朔六日甲申葬於百尺里東五里第四子敬脩自惟
罹此荼毒、眇然嘆歎、幼離奇目、生龍鍾而立、窮而匡子、溫慤閔塞、帖
山難陟、過庭無訓、攜鉤而感、言下集冠之念、攀松弗照、蓋降成墳、
之鳥空追土、季瞻像載、興傷懼日殫觀狀、益增酸哽、磬茲鄙拙、式
序微猷、思與泣俱、文兼涕落、先言多不備近、往行盡是闕如、良由
才非作者、情限蕪次、從父兄敬範史君伯第三子、脫略榮華、不應
徵聘、沈深好古、尤工摘屬、勒銘黃壤、臣播清風、辭曰、

木自高門、世資陰德、從來位重、人兼才識、運海鱗奇、搏搖翅力、繁

枝不已，清漪焉息。惟祖英毅，唯父深沈。飛纓鳴玉，作範垂音。仍生東箭，遂挺南金。素采俱美，出處分心。其有應純和口，望餘韻。嵇風既德，梁遊大釣。總于君子，誠才何劭。闕里儒英，瀨鄉玄妙。其道王天崖，志輕人爵。菊挺危坐，口裘採藥。楚漢兒戲，仁雄寥廓。我如曾閔，何論許郭。其四虛言補善，實驗無覩。石佳既落，僊山亦渝。少微之應，遂屬高人。悲王難序，痛霍何陳。五仁厚慶鍾，育斯才彥。歷階武目，過庭鯉眸。似鳳方鳴，如龍比約。遺孤在笈，猿焉誰見。其六誰見伊何，慈顏弗覩。口朝不食，鄰人罷祖。比學西河，擬文東魯。述彪者固情深陟岵，七魚山本志。門豹遺風，丹青已寫。玄穹方崇思人，下淚。瞻蓋悲空，山川不易。規猷詎終，其八嗟嗟猶子。瞻儀在昔，荷恩惟訓，依希如覲。頌雅因詩，児文託易。追思素道，敬鑄玄石。碑撰朱敬脩

尹義尚

撰序朱敬
範模錄

義尚，爵里未詳。

與徐僕射書

義尚白。漳濱江涘，眇若天涯。去鴈歸鴻，雲飛難寄。瞻言鄉國，泣珠淚而盈懷。寤寐德音，仰煙霞而疾首。旣而暑往寒來，愁雲滿塞。河冰自結，非由漢后之軍。草露恆嚴，蠶假公超之術。霜飄虎渠，距知朔野之寒。雪覆龍岑，徒憶清江之煖。眷言疇昔，邈矣遐哉。係仰清顏，願常豐勝。雍容廊廟，時宣匡奉之風。偃息康莊，無廢怡神之道。義尚望國窮魂，繁憂積歲。雖共未殯，豈曰生年。日者謬忝後車，陪遊上國。曾觀禮樂，見季子之知音。經奉侍言，嗟鄭僑之博物。如軍書愈疾之艱，碑文妙絕之詞。猶貴紙于鄰中，尚博聲于許下。逮乎百六之年，仍離再三。之醜青因禮數，綿歷歲時。嘗瞻姑辛，備同艱險。每冀穹蒼有感，大國矜憫。目禮言歸，馭驛俱反。何期毳毛漚淪，墜灘漳濱之水，運翻摩詔，輕托蓬萊之須。信知有幸無幸，見生死。

之殊倫才與不才驗沈浮之異趣昔秦歸墮壁還得連城晉失楚
材直亡其實自國祚中絕行李不通等避世于桃源同畱寓于仙
嶺每瞻牛俟馬想金陵之聖人今覩皇華如有能之建國賓堯仕
堯酒是八才繅武經文方倚四貴幸甚幸甚昔楊朱岐路悲始末
之長離蘇武河梁歎平生之永別雖復音塵可嗣終隔風雲夢想
時遙無因覩止依依望楚寸陰有待百年將半輕生若是命也如
何今車書同軌行李相繼猥荷文移通唱論及輶軒旣召復命義
尚未破哀矜竊曰晉楚釋囚共成親好今乃拘彼來此不亦難乎
夫召匹夫投分猶須坦蕩况兩國二君那宜細計彼若才如廉樂
猶恐不習禁兵苟非其人畱之何益然三戰三敗卒成強伯之功
七縱七擒終仗天威之力由此言之彼此如耳徐元直西蜀之謀
士關雲長劉氏之驍將須歸卽遣知叛弗追今之與古何其異趣
且二國叶和長江共有如首如尾可召同規或貳或猜豈名脣齒

是呂隔河分敵君子知其不終衷甲尋盟春秋貶其行詐伏承聖上欽明英賢佐輔方知解網之氣用表無偏之化若彼之俘虜猶且蒙歸此之南寇何辭不遣如其苟相猜忒信不由衷雖篤規鄰義尚何罪不任辛酸之念輕陳萬一之情伏願仁人少存曠昔承閑之便希復開言昔張子餘年誠稱吳王之賜微躬邁影實仰含弘之澤載筆泄源固知所述

文苑英華六百八十五

封士讓

士讓爲丞相府佐

密破後主

光前西討還敕令放兵散光令軍逼帝京將行不軌事不果而止家藏奴取奴僮千數每遣使與藥武都處陰謀往來若不早圖恐事不可測

北齊書解
徵光傳

王行思

行思爲南安王思好行臺郎思好敗供赴水死

爲南安王思好與并州並州書

主上少長深宮末辨人之情爲昵近凶狡疏遠忠良遂使刀鋸刑
鉗賀溢軒階商胡醜類檻柱權帷剝削生靈劫掠朝市閼于聽受
專行忍害幽母深宮無復人子之禮二弟殘戮頓絕孔懷之義仍
縱子立奪馬于東門光丘驚鷺于西市駿龍得儀同之號逍遙受
郡君之名犬馬班位榮冠軒冕人不堪役思長亂階趙郡王徵會
曰宗英社稷惟寄左丞相斛律明月世爲元輔威著鄰國無罪無
辜奄見誅殄孤既忝預皇枝實蒙殊獎今便擁率義兵指除君側
之害幸悉此懷無致疑惑北齊書宗室思好傳思好遷鄧州刺史
武平五年舉兵反與并州諸貴書云云
行臺郎王行思也

劉晝

晝字孔昭渤海阜城人舉秀才不第有高才不遇傳四卷劉子

十卷

案劉子隋志不著錄唐志作劉勰撰
北公武陳振孫王應麟並云劉勰撰

上書詆佛法

佛法詭詐避役者呂爲林數

又詆訶姪蕩

尼與優婆夷實是僧之妻妾損胎殺子其狀難言今僧尼二三百
萬并俗女向有四百餘萬六月一損胎如是則年族二百萬戶矣
驗此佛是瘞胎之鬼也全非聖人之言道士非老莊之本籍佛邪
說爲其配坐而已

廣宏明集
六帶惑解

章仇子阨

子阨魏郡人武平中爲儒林學士

請禁抑僧尼表

帝王上事昊天下宇黎庶君臣夫婦綱紀有本自魏晉以來胡妖
亂華背君叛父不妻不夫而奸蕩奢侈控御威福空受加敬輕欺

士俗妃主晝入僧房子弟衣宿尼室臣不謬怪不恐不避鼎鑊輒沐

浴與枷奉表乞聞

廣宏明集七子隨上疏凡八十餘狀
帝臺怒禁增經年周試丁口齊出之

馬天祥

造像碑

夫幽宗玄家真麗潛口然隱顯冲機而名隨化浪洪闢彌遐口

口口自非鏤像汚形其孰能覩之者哉大齊武平九年二月廿八

日邑主馬天祥邑子馬天成邑子馬天相邑子馬天慶道民王成

人道民王大人道民王強人道民王恭人授委壇靜仲追冥果造

立石像永口佛矣口口肅恭祚延無窮尊師崇業口口口口本

案武平止七年而

碑云九年必成

馮袞

袞冀人依鄰下大覺寺釋惠光終于光門

捧心論

諸行者不得信此無明昏心覓長覓短聽經學問嚴飾我心須識詐賊覓他過惡不求其長則吾我漸歇特須分疏勿迷自他我渴常起熾然法界他道少過便卽瞋他常須看心自己多過苦思量者雖在世間無有滋味終無歡心已味憇我何由有樂此心將我上至非想還下地獄常誘誰我如怨家如愛奴豈可學問長養賊心巧作細作使覓名利造痘瘧也故經云常爲心師不師于心八歲能誦百歲不行不救急也

續高僧傳

列女

趙桃科妻劉氏

造像記

武平三年十二月十八日戎昭將軍伊陽城騎兵參軍趙桃科妻劉知善可崇知惡可捨上爲皇帝陛下見存眷屬亡過父母敬造石像一堪願亡者獲果存者延遐有形之類咸同斯福

碑本

朱元洪妻孟阿妃

造老君像記

大齊武平七年歲次丁酉二月甲辰朔廿三日丙寅清信弟子孟
阿妃敬爲忘夫朱元洪及息子敦息子推息白石息康奴息女雙
姬等破造老君像一區今得成就願亡者去離三塗永超八難上
昇天堂侍爲道君茫茫三界森森四生同出苦門俱昇上道碑拓本

盧士淡妻崔氏

崔氏崔休義之女

春日呂桃花饋兒面祝字

采覓俗

取紅花取白雪與兒洗面作光悅取白雪取紅花與兒洗面作光

華取雪白取花紅與兒洗面作華容

御覽二十引
漢世南史略

全北齊文卷八終

賜進士出身二品銜廣東等處提刑按察使司按察使兼驍傳事務黃岡王毓深校刊

全北齊文卷八終

全北齊文卷九

烏程嚴可均校輯

闕名一

正會班五條詔書

一曰政在正身在愛人去殘賊擇良吏主

通典作
正

決獄平徭賦二曰

人生在勤勤則不匱其勸率田桑無或煩擾三曰六極之人務加

寬養必使生有口自救沒有口自給四曰長吏浮華奉客口求小

舉逐末舍本政之所疾宜謹察之五曰人事意氣干亂奉公外內

潤滑綱維

通典作
紀綱

不設所宜糾劾

隋書禮儀志
四後齊正日係中

宣詔慰勞州郡因使又班五佛

詔書使人歸口告刺史二千石又見通典七
十案此詔不知始何帝時編入闕名類

爲閻姬與子宇文護書

天地隔塞子母異所三十餘年存亡斷絕肝腸之痛不能自勝想汝悲思之懷復何可處吾自念十九入汝家今已八十矣既逢喪

備嘗艱阻、恆冀汝等長成、得見一日安樂、何期罪孽深重、存歿

分離、吾凡生汝輩三男三女、今日目下、不覩一人、興言及此、悲纏

肌骨、賴皇齊恩卹、差安衰暮、又得汝楊氏姑及汝叔母紇干汝嫂

劉新婦等

止史作汝嫂劉新婦等

同居、頗亦自適、但爲微有耳疾、大語方

聞、行動飲食、幸無多恙、今大齊聖德遠被、特降鴻慈、旣許歸吾于

汝、又聽先致音耗、積稔長悲、霽然獲展、此乃仁侔造化、將何報德、

汝與吾別之時、年尚幼小、目前家事、或不委曲、昔在武川鎮、生汝

兄弟、大者屬鼠、次者屬兔、汝身屬蛇、鮮于修禮起日、吾之閭家大

小、先在博陵郡住、相將欲向左人城行、至唐河之北、被定州官軍

打敗、汝祖及二叔、時俱戰亡、汝叔母賀拔及兒元寶、汝叔母紇干

及兒菩提、并吾與汝六人、同被擒捉入定州城、未幾閒、將吾及汝

送與元寶掌賀拔紇干、名別分散、寶掌見汝云、我識其祖翁、形狀

相似、時寶掌營在唐城內、經停三日、寶掌所掠得男夫婦女、可六

七十人悉送向京，吾時與汝同被送限至定州城南夜宿同鄉人
姬庫根家，姑茹奴望見鮮于修禮營火語吾云：「我今走向至本軍，
既至營，遂告吾輩在此。」明日日出，汝叔將兵邀截，吾及汝等還得
向營。汝時年十二，共吾竝乘馬隨軍，可不記此事緣由也。于後吾
共汝在受陽住，時元寶菩提及汝姑兒賀蘭盛洛并汝身四人同
學，博士姓成，爲人嚴惡，汝等四人謀欲加害，吾與汝叔母等聞之，
各捉其兒打之，唯盛洛無母，獨不被打。其後爾朱天柱亡歲，賀拔
阿斗泥在關西，遣人迎家累，汝叔亦遣奴來富迎汝及盛洛等。
汝時著緋綾袍銀裝帶，盛洛著紫織成纈通身袍黃綾裹，並乘驛
同去，盛洛小于汝，汝等三人並呼吾作阿摩敦。如此之事當分明
記之耳。今又寄汝小時所著錦袍表一領，至宜檢看，知吾含悲戚、

北史作舍
悲抱戚

多歷年祀，屬千載之運，逢大齊之德，於老開恩，許得相
見，一聞此言，死猶不朽，況如今者，勢必聚集禽獸草木，母子相依。

吾有何罪與汝分離今復何福還望見汝言此悲喜死而更篤世聞所有求皆可得母子異國何處可求假汝位極王公富過山海有一老母八十之年飄然千里死亡旦夕不得一朝暫見不得一日同處寒不得汝衣飢不得汝食汝雖窮榮極盛光耀世間汝何用爲于吾何益吾今日之前汝既不得申其供養事往何論今日呂後吾之殘命惟繫于汝爾戴天履地中有鬼神勿云冥昧而可欺負汝楊氏姑今雖炎暑猶能先發關河阻遼隔絕多年書依常體慮汝致惑是呂每存款質兼亦載吾姓名當識此理勿呂爲怪周書晉公諱傳齊主呂護旣當權重乃畱其母呂爲後園仍令人爲閭作書報護又見北史五十七

都邑師道興造石像記并治疾方

夫金軀西奄儀像東流寶相口口口口口口口自非傾珍建像焉可熾彼遺光若不勤栽藥樹無以療茲艷瞽然今都邑師道興乃抽簪少稔早託繢門入相俱聞五家具曉爰有合邑人等竝是齊國

芳蘭鄉中巖壁同契孔懷和如骨血人抽妙口敬造繙迦石像一

軀并二菩薩口僧侍立事廣難名天花雜狀尋形回遍欲使崇真
之士指曠歸依慕法之徒從茲解悟自此微誠資益邑人師僧父
母七世歸真現存獲福皇祚永延含生普潤共越死河同昇彼岸

大齊武平六年歲次乙未六月甲申日功訖

碑拓本

案記丈下
方及左方刻療上氣

喀喇諸方納
三千字不錄

朱曇思等造塔頌

大齊河清四年歲次乙酉三月癸未朔四日丙戌慈風未鼓品頰
同眉惠化一開乃羣情等覺雖真光暫漠而實相可追故涓茲苦
海志彼零峯邑主朱曇思朱僧利一百人等于村之前兆其勝地
綿基細極白虎遊南敬造寶塔一軀經之不日斜蘆煙際四翥風
生鏤機真離刻摹兒率庵聖蛟龍看之若生飛禽走獸瞻疑但活
羌弗可得如言矣魏魏易觀輝爛難名遂託銘神宮冀貽万葉仍

因撮土之功、敢發廣厚之願、國祚永隆、覆載等一、頌與。

爵璃往昔、麗宇今茲、弱黛留烟、炎起停暉、瑤草垂露、畫樹懸荷、
抽紫菜、嶺鬱青芝。碑拓本

洛陽合邑諸人造像銘頌

妙旨幽微、非聖無可盡于源、聖行之興、非福智莊嚴豈能□其道、然今合邑諸人築窟殖明珠、久歷諸佛、故能異心同口、仰慕遺蹤、在于定光佛前、敬造七佛寶塔、并二菩薩賢聖諸僧、彌勒下生、梵王帝釋舍利非壹、其金容赫奕、照曜三千、華麗二相、妙境八十、莊木圓溼、像而非喻、採壁摸形、焉是其營、覩之者淨信開明、虔禮者三郵殄息、斯乃塵勞之中、紹如來種、籍此勝善、願國祚永隆、三寶增盛、法界四生、七世先靈、存亡父母、現在眷屬、發菩提心、彌勒下生、恆爲導首、開化羣迷、廣修萬行、共集善根、同證菩提之道、刊錦頌曰、

法性如如、非有非無、體非分別、妙用非虛、入相成道、侶同凡夫、生而非生、滅而非滅、神通隱顯、摩王歸軼、化導三千、人天獨步、改迷接聖、慈悲覺暗、示三空門、令遊正路、淨修波若、四攝資助、奮翼道品、菩提永固、天祐三年歲次丁亥三月壬申朔十五日丙戌建

碑

邑義造丈八大像頌

口口口口口口口口口口口悲爲懷、宏濟五濁口口懽宜
朗鑿萬法隨遙根口口口雙林緣盡居尸遂能口口口構刹圖儀
波斯從後末口口不仰慕聖容者哉是曰邑義一百人等、自今大
齊天祐三年歲在丁亥五月十五日共造丈八大像一軀、上爲皇
家永康下爲羣品師僧口口累劫因緣、四生滄識悉捨忘想同登
正覺其頌曰、

寶殿蓮基尊像靜嘿聲聞菩薩侍立其側徒眾和雍僧口嚴飾禪

誦歎詠。晝夜無息。曰此福緣壽報無極。其置福處也。北連名山。太
丘之廟。南有高巖。胡城永固。處在中央。口水東注。人民口祥。營造
福。口口爲帝皇四海歸湊。壽樂口疆。口斯願力。俱會道場。邑義諸
人。皆元出四海。據口口口。禮敎自防。德達仁口口口。爲尊。口法爲
口欽敬。口口口歸投。口斯福緣。永口口口

碑拓本

劉碑造像銘

夫靜妙虛凝。聖蹤難尋。悵怕無相。非有心能知。雖形言幽絕。誕迹
三千。慈悲內發。欲濟危拔。苦演十二。而曉羣情。喻三車。口迎諸子。
權應歸空。潛神真境。然篤信佛弟子。劉碑河濶人也。寶因唐資。瓊
基漢緒。襲踵前王。衣冠萬代。因古隨俗。芳柯嵩左。此人善識。四非
深解五業。纂纂鄉邦。茜領懷珠。獨照。皆是軒姬族疏。英裔之孤挺。
晉魏九域。磐根之樑棟。殷陋皇朝。飛聲齊室。故能同率緇素。異心
共遵。等意採石金山。遠求名匠。奇思罕聞。巧殊世外。四挾靈就之。

顯西據王舍之湧派流濟濟建像一區構基三泉首瞻宵月真容
凝然化流無导光曜十方空空遍滿視之者目山花生觀之者我
心蒙滅仰爲皇祚永隆宰轉獻上自此果緣福鍾師僧七世願使
神登紫宮形昇妙境兒在靈康子孫興茂辨智超木表心六載宦
極台相位累九坐坐墮微讚來栖道跡往往逢賢處處遇聖蠢動
普沾同照十日身當正覺遊濟彼岸刊鑄金芳願言不朽其辭曰
如來聖跡邈矣難尋究竟歸空妙理實深出沒自在顯滅雙林欲
隨而上攝已愚心龕龕有佛相望若語菩薩立待吟聲未吐師子
讃坐豎曰相覩諸天作樂口口對舞金剛力仕在戶之傍邪捲口
目偃蹇相當波旬請死欲退無方道俗肩隨慶會天堂肅肅法師
寂寂道場崇之若近尋之茫茫垂誘下士上接攜將六口解羅三
有暈光俄俄禪定神歸空外真化無导心盡三昧脫骨王子廣度
一切夙樹珪璋惡羅天闢冠冕世襲金柯秀發辨隆待仕殊今古

越儻邁機驚咬然若日信士英英契悟福期鑄鑄金石相好巍巍嵯峨妙絕是難是希終天畢地永爲墓基

碑拓本說當云天保八年也

銅雀臺石龕門銘

大齊天保八年九年造銅雀臺石龕之門百代之後見此銘者當復知之將陳驥軍副程頤承襲晉幢主孫悅軍主董侯幢主楊晏

碑拓本案北齊書文宣紀天保九年三臺成蓋經始于八年故云八年九年也

在孫寺造像銘

蓋太儀育物品類不同隨口以輪迴逐陰波而自溺可嗟薄福熟爲津樑哀哉士徒誰口出要唯無上大覺獨悟玄深志欲道正水呂壞邪山秉慈炬而滅癡闇故堅杜六門大開八口龍廢鎖口虎見斯伏但感微應促毒樹之音已彰如住无善利口滅之幻唯速于是燈光夜掩法舟息駕遂使入到熾然業愛增甚自非曉燭眞途了斯相染然能併口扇而超昇望宗一而高蹈哉都邑主張

嘆祚辭景略仇洪祖寇智業陶洪遠李祖儕都口口百口拾人等
以是漢曲明珠移山之貴狂風口口蘭口飄舉嘆世扶疏鄉家金
口口根卡泉而結礎袖八口月而口龍口如此隆_二昂_二盛哉雖
浮俗愛起口千端口口至口思口不憚口勞之軍懸劍雙懸罕口
口魔之陣无不口篡口蹤魔開口口口口金顏之口佳口口口之
口口遂廣建伽藍口口口口口口口口之口面口大起帝有之
奇身真容不燬若百祀之開春樹朝曠竟照類万日之聚高天足
使跋蘋發口口心返正雖猛炎銷天洪波沸地而神堰竇屹畢竟
常口昔口捨擁沙尚感菩提業盛前脩功名顯著豈使日月空流
聲塵无无口彫金垂範傳芳不朽自非立信空門皈心淨域將知
福報無虛功不忘斲脩回口善口口俾口口捨財崇福佐天堂之
業上爲三寶口口七世父母過往口師現在居眷門徒子孫世貴
國內人民口口役口口口遠至下及邊地蠢動蒙恩五道口澤有

刑之類普獲福利齊號河清三年歲次甲申四月己丑朔廿日戊

申
碑拓木

姜纂造老君像銘

大齊天統元年癸歲乙酉九月庚辰朔八日丁亥界官姜纂爲亡息元略敬造石像一軀、天靈暉西沒、至理東遷、圖盡神明、像窮變現、道遙業峻、因藉報遠、清信士姜元略志隆邦國、仁越州閭、衡菴仰風、鄉邑譽望早洞玄源、夙達空旨、而石火電爍、倏忽從化、松摧落岫、蘭彌夏霄、寶散闇泉、玉碎黃壤、父纂情慕東門、心憑真福、特爲亡略、敬造老君像壹軀、左右二侍、聖相真容、妙絕婆娑、雕檀刻削、波斯憲奇、鏽金鑄石、優填慙巧、神光照爛、遍滿閭淳、香氣氤氳、充塞世界、業盛飛行、事得踊出、以此勝因、追資亡略、直登淨境、獨步空虛、逍遙天服、飛出六塵、遨遊慧體、長超八難、彈指則遍侍十方、合掌則歷奉眾聖、過去尊卑、見存眷屬、亡生淨鄉、現獲妙果、當

來龍華願昇初唱皇家慶隆澤洽邊地三途楚毒俱辭苦海六道
四生感蒙勝福壹切有形同成正覺

碑志本末

董洪達造像銘

大齊武平元年歲次庚寅正月乙酉朔廿六日蓋諸佛智海本自
無崖旣與法界淨寬復共虛空競遠如童尊重臥渥而布髮藥王
思報上天而雨花暮攸前蹤更開後轍是昌邑主董洪達其人
可謂映望遼闊聲櫛遐邇志超雲外深識無邊體同聚沫豈齊風
露遂率邑徒冊人等乃訪藍田美玉琨璞京珍敬寫靈儀用深表
代匠思奇端朝研殊藻晝採金班玉鏤周畢眾事明麗尋形匝遍
拔若天上降來後似地中湧出其處徘徊嵯峨絕巒左依山渠
南觸大壑西盼京都私乃唯非舍利神口口口寶是_貢口布金爲
地自非口見大士十力世雄安能建斯功業者哉仰資帝祚永隆
存沒父母因緣眷屬普蒙斯善其辭曰

茫茫法水眇眇零津惠流无外化被微塵三界有潤火宅無辛杳杳真容非人弗顯苦樂憂悲非福不遺刊石記功已照諸善碑拓本

比丘僧道略等造神碑尊像銘

自夢影東畿金人感帝像法肇興鳩摩啟悟方知城芥易窮五衣時往雲屯屢馳石光何速若夫智出非恆道光大地德被天中威羅世界莫不發迹紫宮口軀兜率越度生死之河飛懸沸流之海而四生夥雜八徑紛綸壽等芭蕉業同泡沫然大艱降澤顯跡迦夷應權雙樹見從忍土布慈雲于無邊注法雨于六道懸明鏡于重櫞炳金燈于長夜然則神珠照灼映寶塔于空中甘露祐祥潤枯萌于世上若乃久墮愁海不識沈厄之苦長處火山訖愁熿燎之痛矣是以邑師比丘僧道略體白六道獨懷二覺雄才勇志總判三乘澄華皎淨與琉璃合潔素質鏗鏘與隨珠角曜故知二鼠之暴不停四蛇之毒長在遂能共邑義三百餘人等託志菩提建

崇引願石出藍田、求工班爾、敬造神碑一所、尊像人甚、龍螭鉅鏤、若雲山之烈彩、麗拔妙形、似七寶之莊嚴、而改天動地之奇窮、盡聖之巧、間浮婆娑之珍、眾生大慈之業、然則地兼爽境、比竹林而竝麗、寺帶良田、匹鹿苑而不殊花果、盈盤綺合、靈芝勺藥、布護堦廷、房廡周通斜口、口出掎掎、璧璫浮梁、止雪蓮錢、遶淥井碧水、類清泉、口樓交葛、甃鐸參差、羽翮翳林、食聽妙響、鴛鴦雙樹、飴好真音、至于青風朗扇、鍾磬相和、莫覺擅指合掌、南无遊歷四禪之境、觀入三脫之中、內安万練之僧、招精進之士、銀爐鼓炎、百和騰煙、錫簪讚聲、定崩煩惱、有性厥靈、永登寶地、凡命含品、普昇淨土、稽斯功德、遍沾口刼芳謠、時歌銘歌、何窮其詞曰：

玄沖眇邈、正教終歸、三明自達、六職雲飛、浮虛兜極、殿影紫微、懸空遊息、三界徘徊、地居勝土、寺遶花蓮、周迴風觀、遍帶流淵、上干浮漢、下際幽泉、方須玉櫳、事籍金船、踵茲洪福、爲海舟楫、發心何

遠彼岸猶長天人覺悟超投太康所願閻浮同登淨鄉大齊武平
二年歲次辛卯九月十五日建碑

碑本拓

邑義主一百人造靈塔銘

蓋至道玄凝幽崇理寂三塗無樂慾海多難雖復積骨成山詎照
刺那之性血溢四河虛窮沖甚之域然今邑義主

碑空二字未刻

一百人

等置宅祇國栖神文圓俱明典常脩政法承天之意彌遠去人
之情久遠身懷智慧之炬體納无盡之鎰常欲灑流酒除心垢故
知四大虛假五總難制割捨俗財寄不煩之室築茲勝地植靈塔
一區摸育王之真軌放舍利之影跡峩峩勢可類越於雀離嶧嶧
陵霄峻高於兜率靈像儼儼濟度于恆沙相好巍巍口口口口六
以斯上善

碑下

大齊武平三年歲次壬辰鐫十二月十六日訖功

碑本拓

吳涪族等造像銘

夫殊玉非濟渡之珍足墮豈救時之寶欲取將來之益都因莫大
於捨施是以象馬無恪標名第一剋極爲功福亦不二今有佛弟
子吳洛族十五人等竝窮精冥因洞識超遠居或曉真遊塵獨處
捉妻子不爲己物唯以片善爲家有各率誠心敬造釋迦彌勒石
像周迴十堪畫飾悉訖其尊容雜事彫瑩殊異亦可驗之於目觀
更不待言題矣其詞曰

泉源浩汗無邊無畔應似而有診之洪漢邑人誠感誰不詠讚藉
此微緣除之八難碑拓本

賜進士出身一品銜廣寧等處撫按兼使司按察使兼管鑄作事務滿洲王城築校刊

金北齊文卷九終

全北齊文卷十

烏程嚴可均校輯

關名二

鄉老舉孝義雋脩羅碑

皇建元年十二月

唯皇肇祚、大齊受命、引軒轅之高宗紀、唐虞之遐統、應孝義以改物、揚仁風以布則、於是緝熙前緒、照顯上世、雋敬字脩羅、續土莫安、食菜渤海、前漢帝臣雋不疑公之遺孫、九世祖朗遷官於豫、遂住洙源、幼傾乾盤、唯母偏居、易色承顏、董生未必過其行、守信志忠、投杼豈能着其心、捨田立寺、願在菩提、酬味養僧、纓絡匪悟、救濟飢寒、傾囊等意、少行忠孝、長在仁倫、可欽可美、莫復是過、蓋聞詮賢舉德、古今通尚、隱秀葬才、錐囊自現、余等鄉老壹百餘人、目睹其事、豈容默焉、敬刊石立樓、以彰孝義、非但樹名今世、亦勸後生、義夫節婦、詔令所行、其辭曰、

恭恭易色免受承顏孝向曾閑行比丁蘭待如搢髮接若吐滄酸
味救飢解渴濟寒披幽釋古奉敬如來割己施造傾力捨財從終
之志其性可哀鑄石臺朝千代美哉流芳萬古迹絕嘗今庶勸將
來誰不肅心忠孝之外任世浮沈絕筆刊功志畢松林朱陽再現
相訖南金訪石鏤文永保余心懸宗殯轉放筆畱音皇建元年歲
次庚辰十二月戊寅朔廿日丁酉訖功碑拓本

宋買等造天宮石像碑

口口口口口旨道圓明言像所未臻文字不能述口口口口闡之
者既難法海波濶遊之者勿易是大都邑主宋買廿二人等可謂
知周道濟之功圓應遍知之迹崇尚莊老之談景慕神仙之術彊
攬博聞辨說無尋宜陽金口深識法根乃祖乃父積德於無窮維
子維孫脩道於祇劫故能知四毒之分致五蔭之美疾遂寄財于
三寶託果於娑羅磬竭家珍破造天宮石像各一區其天宮也左

臨滻水、具山公路、嶠之低迴、右觀舊都、快有京華之勢、前瞻風嶢、據有曹操之故墟、從背望山、伊洛之南地、私乃正是四奧之華壤、中墟之靜土、唯非舍利神變之園、實是須達布金之地、其像也、乃運玉石於荆山、採浮磬於淮浦、鏤勒彫文、竝龍鱗而翠瑩、鏤狀圓形、等金錦而競炎、雙林見光、未殊於此妙、剋檀成刷、有愧於今容、既如天上降來、又似地中勇出、其中万相莊嚴、五色鮮妙、珠紫爭光、清黃吐艷、跂看之從、樂善忘歸、觀狀難同、尋刑叵遍、自非高昇大士、十力世雄、孰能建私功業者哉、緣茲摩訶善根、仰發洪願、三寶常存、法輪永固、王祚剋隆、七世先靈、託生妙樂、見在眷屬、值佛聞法、四生之類、等成正覺、天統三年歲次丁亥四月辛丑朔八日

戊申建

碑

記

馮翊王修平等寺碑

蓋口功惟

下

通言口口在自口成口口口闡鷺山大則照神光

於大千微則總百億於微介乘權授手津被塵沙有感斯應

闕下

迹口口於西林口教口于東夏貞口口廣靈口再興不有覺人孰

弘斯道至若拔山移海之力復夏興周

闕下

之闕

闕下

侶或負氣口

門口葉累世或神化滌泊百祀千齡莫不委骨高於山岳屑淚多

於河海共轉輪迴之苦同歸口月闕彼岸平等寺

闕下

永平中

造定光銅像一區高二丈八尺永熙年金塗訖功德像在寺外未得

移

闕下

大殿正屋

闕下

及

闕下

口邑爲豺狼之窟皇居成

戰關之場四海分崩八宏淪喪人物將盡盛

闕下

神武皇帝龍

闕下

先天奉時觀口口休於是龍視豹變鷹揚鵠起補西北之虧天

紐東南之缺地大拯蒼生康茲頽俗嶠函割

闕下

帝城

闕下

烽

口幾旬機衝口倫穢便使七政難齊衣冠道缺將令五禮憊制謀

遷協於卿士上徒召決著龜上天剋從大同口口皇輿口口口口

口移肇洛遂空城寺口毀銅馳之術無復連鑑金馬之門虛聞待

詔荒涼宮室禾黍生悲寂寢池臺丘墟流歎高祖以王業草創口
口口口志去明泥觀兵故洛見象壇奇神徵屢感莊嚴具足相好
如真若出崛山猶居祇樹時流運謝隱晦口紀述口口口口口
花淨口青蓮未遷福地達人弘道獨物兼懷發菩提覺心希無上
正果躬親致禮遷像入寺登給羽林長口守口武定末世宗文襄
皇帝口口口口口河洛歷攢周京觀佛儀相世未嘗有身色光明
實所希妙崇申祀敬廣施軍資增給兵力因口口口口口代驟改
口口非固口石口口口口口口口口口口口口口口口口口口
梁青苔衣於藻井遊廬積座等形住於慧禪草莽生懷口神留於
智崇行口口口口口口枯口口之內菊爲茂草太宰河陽道大行
臺錄尚書事馮翊王高潤卽神武皇帝之稚子文襄章烈孝昭武
成四口口金口口口之懿口稟精瑤室分萼鄧林寂氣所膺誕茲
英哲可謂崑山之上美玉挺生瀛海之中明珠聞出迴口口口自

數仞崖岸平口口口非梁燕之儔富學豈簡平之背既能調
通四氣宣導三光鼎餗由其致和禮教因之敬洽飛口口問忠口
樹聲致福下關土宇受脈而靜關河德若膏蘇恩同雲雨出軍命
將必稟策已折衝掠地屠城會謀謀於帷幄王旣通口口二洞口
三口口知佛下關不究竟謾浮口於苦海機寶口於金河自推轂
專行口戎奉律治兵餘暇降志弘道鳴鑾展禮釐駐駢服俄見繡
雉飛於梁口文鯉起於口中歎淨宮之彫毀嗟伽藍之樂構永言
舊事思用修復割捨侔於布金窮材磬於文梓匠人單五郡之妙
畫繪極口土之奇峰下關剗亂於鰐棟扶鳳竦於虹梁類玄圃之
銀樓等蓬萊之玉闕天衣裔麗三銖之重像色口口口十力之
關下始可言矣寺則負彼崇邙面口清洛右依城雉左帶洪陂嵩
岳攤其前靈河行其後望下關興賢口勝地真粵福田於是苦行
異人慧心高德皆通九部咸曉二禪乃振錫來儀下關成田高山

廟而口口口豐碑宣勒銅柱須懽徵猷盛事無殞長葉其詞云
口口口口口口口口口口口口口口口口口同陽大

其一

師口口空播音微彼岸須登寶舟宜運劫石期盡飢膚何窮聖

帝英王口口口口口口口口口口口口口口口口口同陽大

口口口是屬貞明瓊宮口氣瑤室和精氣氣降祉生此人英

其三慧

勦既佩誠誅是

口口口口口口口口口口口口口口口口口口口口口口口

口興千雲臨旭

其四

雕梁口柱口壁丹爐朱扉玉砌青瑣金鋪風鳴

韻鐸日照和珠高山仰

其五

口口口口口口口口口口口口口口口口口口口口口

口口口城隩潤招提是構口口口口三乘七覺衢導是問

其六山廬

一匱海涸三田殷墟闐寂周室

下闕

大齊武平三年口口壬辰八

月十五日刊

臨淮王造像碑

大齊武平四年歲次癸巳六月乙未朔廿七日辛酉建

竊曰萬川朝海大海終自爲陵五雲出山名山久而爲礪謂天謂
地悉有時而崩毀日乎月乎竝無救于盈缺縱陰陽莫測夷夏率
從奮六轡而遠馳蜚九翼而高視安知眾苦鱗萃五袞波屬僞與
豪風競馳俄將落葉俱盡假令倚瓊鑑飛玉觴燭日月驅風雨車
騎如雷乘空幸延年之策旌旗遏景浮虛造子登之岳陸生仙賦
僅舉一隅張子真篇唯明片分皆亦馳於廢興之術環於起滅之
途侔葬華之驟殞逼藤根之易絕茲焉以外眾生何限墨謁塵盡
所未能量竝驚踰接踵危過累卵電謝忽據泡懸儻忽然爛莫知
其去罕見其來炎風埽而更安毒火焚而弗爛者而不具火解脫
猶六神通鬱万善而获殊超百非而迥越亦何堪至于此也若夫
前聖後聖天之又天八極之大隱王十方之大仙主或與定光同
字數極五千或共弗沙等名等盈三億雖應現季別王領總乘而
妙力神光規重矩盛竝慈雲廣庇善雨周覃皎智日於

鐘於積暗悲河鼓浪六度之船併浮熾宅揚煙三乘之轍俱轉感
靈之大求易等級變化之奇實難思議脣山納於芥子仍自嶽峯
巨海入於毛穴無妨浩淼伏闕丘之狂鳥弭迦葉之毒龍波旬卻
而喪魄梵志望而辟魄誠最尊最勝莫高於法王但非滅示滅體
失於慈父於是鄣巖徒朗值木終雖虛瞻白鵠之林誰逢青崔之
樹齋令水言功德永遏波濤山名智慧遂潛峯累其能闡清化於
將渝振玄風於已墜千年一有非我而誰使持節都督青州諸軍
事驃騎大將軍青州刺史司空公監都縣開國公高城縣開國公
昌國侯臨淮王婁公孕彩中岳摛精大水龍章外動豹氣傍飛妙
質則罔若珠明瓊姿則朗猶玉瑩負將相之奇器懷社稷之高節
經文大德紛綸而備九佩武殊功雜踏而兼七拂羽則搏風歷漢
抗足則超塵絕眾知管樂之爲小識元愷之非大鼓盪於天地之間
疏散於雲霞之表排帝門而矯首沐皇慈召灌鱗裂壤分珪旦

夕兼委儀台服袞造次呂之始映金蟬鄙丁劉於漢日暫栖鷺洛
蔑陳張於蜀京履每曳於南宮職頻關於北斗迄文昌而鳳跱入
鉤陳而虎跡穆陵而北負海而西分屬虛危音中角羽連衽與密
雲爭暗旨酒共漚流競溪其鳴會樂於茲所尚父經封於此域孔
融之見圍也史慈冒難於都昌袁譚之被攻焉王脩赴禍於高密
躋丹山而峭立迴紫城而鬱連敗燕之勢未渝瓦漢之容尚在是
爲名岳實冠諸蕃秉刑於茲義歸規重故能整旗蓋而辭閭闈節
笳鏡而下營丘帷始闢而鄉移冕纓彰而俗變三春未動別鼓春
颺九冬不作自懸冬景齊之召禮導之曰德寬大居先威嚴次後
哀恤孤寡詠歎橐橐豔彩儻役既擅舒軌斯逃持廉作寶目藐視於金
玉匪財而富身詎染於脂膏遂令神雀集菟災蝗避域君子與順
孫慕秀節妻共義士相望凡如此流抑亦眾錄不能備序故復略
言假細侯之行美稷孟堅之案交趾子虞稱最於區中梁道作法

於寰內持來況我無不退飛兼贊然興嘆類羊公之陟峴喟然垂
感切孔父之臨川悲此有之難拘慨茲生之易滅常住之因遂植
彌陀之願仍起故海岱之間凡諸福地罔不傾蓋悉展愍誠於是
民吏奉規事難捨而能捨表裏蒙化業難行而遂行何異草逐風
低水從壺變僧寶因而再盛佛曰由其更懸南陽寺者乃正東之
甲寺也既左通闡闡亦右馮澗谷前望嵒聳却鄰汎層巒迥於
湧塔祕宇齊於化宮足使須達羨其經啟延壽韜其賦頌感致之
極莫與爭先果屈輪輿頃脩禮謁香甫燃而霧作花劣飛而霞下
遂於此所爰營佛事制无量壽像一區高三丈九尺并造觀世音
勢至二大士而俠侍焉庶國道與華胥競尚帝業共虛空比壯含
靈賦命盡值優花乃具三心成之百寶白銀之麗咸寫紫金之
妙畢圓臺如五嶺之旋卽之便覩目似四溟之潔驗之猶任毗楞
寶冠帶左而馳耀鉢摩空髻據右而飛光望舒之迴處星中須彌

之孤暝海外僅堪方此何日尚茲前長史解叔寶司馬李元驥別
駕字文幼鸞治中崔文惠及諸僚佐等竝滄口下筵贊成高義狀
鱗波之遽得劇風毛之互舉恐炎涼遽徒綠竹難存便勒美於貞
石庶永永於乾^乙乃作鉉曰案金石志云鉉日之鉉即木已泐今
檢新舊舊本實是鉉字他碑無此例

駛河難測暗海无邊津梁莫起燈燭誰燃念念不住苦苦相沿生
猶電轉誠甚雲旋昔往今來靈仙非一騎龍駕虎排霄儼日朝登
玉樓夜遊瓊室終歸聚散安知假實常住無我寄在天^皇業苞真
俗事斷名言惚峯虧構慧浦疏源神儀或掩像法弥敦亦有人英
翹然孤上似竹千仞如松百丈帶鉉之蕃仁溪譽仰一方饒益千
城注想覺花常吐愍葉恒春暫將調御盥求轉輪爰脩佛寶於此
東泰頂光仍射眉相還陳雙樹結影三蓮接耀五道光含十方輝
映果名奇特是稱眾妙樂地在茲焉須遠召福之所暨盥專爲我
俾斯含識俱圓妙果行值嵐風方逢劫火空餘勝績無騫無墮碑
拓

本秦臨淮王者娶昭子定遠也北齊書北史並有傳

外國

王高德

高德高麗國大丞相

啟問法敎始末緣由事敍略

釋迦文佛入涅槃來至今幾年又于天竺幾年方到漢地初到何帝年號是何又齊陳佛法誰先傳告從爾至今歷幾年帝遠請具注續高僧傳

十法上

釋氏

大統

奏并州掘地有人兩脣其舌赤色

此持法華者今六根不壞殷誦千徧定感此徵

法苑珠林一百引侯君素集

道宣

紀事

宋初有法瓊尼，南方人。不知因緣所出，辟穀食棗栗不著綿帛。戒德甚尊嚴，禪定多所感通。會稽恭子張使君蒞廣州，便供供之。隨使君還吳，又隨出入。尼自剋亡日，捨命後勿棺殮，但乞鳥鳥至破岡，如期而終。使君依旨送林野間，停再七日，七夕鳥獸不敢侵，乃收殯焉。亡祖親使君之第四女也。就瓊尼受戒，余記錄之。

廣宏
明集

十四

道喻

造像記

大齊天保十年七月十五日比丘道喻敬造盧舍那法界人中像一區，願盡虛空邊法界一切眾生成等正覺。

碑拓本

慧可

慧可，一名僧可，俗姓姬，虎牢人。初名神光，久居伊洛，事達摩子。

少林得法傳衣是爲二祖

命筆回示向居士

備觀來意皆如實真幽之理竟不殊本迷摩尼謂瓦礫豁然自覺
是真珠無明智慧等無異當知萬法卽皆如燃此一見之徒輩伸
詞措筆作斯書觀身與佛不差別何須更覓彼無餘傳燈錄

賈進士出身二品銜廣東等處提刑按察使司按察使兼管驛傳事於黃岡王無藻校刊

全北齊文卷十終

全北齊文卷十

慧可

八